

ՆՈՐ-ԲԱՅԱԶԷՏԻ ԳԱԻԱՌ

Կ Ա Մ

ԳԵՂԱՐՔՈՒՆԻՔ

Ե. ԼԱԼԱՅԵԱՆԻ

ՊԱՏՄԱԿԱՆ ՏԵՍՈՒԹԻՒՆ

Ա.

ՆԱԽԱՊԱՏՄԱԿԱՆ ՇՐՋԱՆ

Իմ կատարած պեղումները.—Նոր-Բայազէտի գաւառը հնագիտական տեսակէտից չափազանց հետաքրքրական է. այստեղ կան բազմաթիւ և բազմազան դամբաններ, որոնց մեծագոյն մասի պեղելու առաջնութիւնը ինձ վիճակուեց: Անցեալ տարի մայիսի կիսից մինչև օգոստոսի կէսը օրական 20—25 մշակով ես պեղումներ կատարեցի առաւելագէտ Սեանայ լճի հարաւ-արեւմտեան ափերում, բացի 250-ից աւելի դամբաններ և զտայ բաւականաչափ բրոնզէ և երկաթէ իրեր, ինչպէս և 300 կաւէ ամաններ, որոնք այժմ առանձին ցուցադրուած են Կովկասեան Թանգարանի Հնագիտական բաժնում: Յանկանալով առաջիկայ ամառ ես պեղումներ կատարել նոյն լճի արևելեան և հիւսիսային ափերին, ես նախ կը նկարագրեմ կատարած պեղումներս յուշատետրի ձեւով, երկրորդ՝ կը դասակարգեմ պեղած դամբաններս, երրորդ՝ կը որոշեմ թէ ինչ ժողովրդների կարող են պատկանիլ և Երբ շինուած, չորրորդ՝ մանրամասն կը նկարագրեմ դրանց մէջ գտնուած իրերը, միանգամայն բացատրելով նրանց նշանակութիւնը և համեմատելով ուրիշ տեղերում գտնուած իրերի հետ և հին գերբորդ՝ կանեմ իմ եզրակացութիւններս:


Արդ՝ ամենից առաջ, մայիսի 15-ին, ես սկսեցի պեղումներ կատարել Նոր-Բայազէտ քաղաքի շրջակայքում: Այստեղից վեց կիլոմետր դէպի արեւմուտք, Պատաշար կոչուած արտերի մէջ կան

¹⁾ Տես՝ «Ազգագրական Հանդէս» գիրք XIII.

բաւականաչափ դամբաններ (կուրգաններ), որոնցից մի քանիսը միայնակ կամ զոյգ զոյգ սփռուած են մանաւանդ դէպի հիւսիս, ուր նկատուի են նաեւ հին բնակութեան տեղեր: Այսպիսի դամբաններ գտնուում են նաեւ Նոր-Բայազէտ քաղաքի շուրջը, ինչպէս «Յաշեր» կոչուած Թաղամասից բարձր՝ Աւաղտոցում, կամուրջից վերեւ, ջրաղացից փոքր ինչ բարձր, Ս. Յովհաննէս ուխտատեղու շրջականերում և այլն: Այս խմբից եւս կարողացայ պեղել միմիայն տասն և երկու հատ: Սրանից 10 գտնուում էին Պատաշարում, իսկ երկուսը մօտ կէս վերստ դէպի արեւելք, միմեանցից 43 մետր հեռաւորութեան վրայ:

Առաջին տասը դասաւորուած էին երեք շարքերով, արեւմուտքից դէպի արեւելք, միմեանցից 4-10 մետր հեռաւորութեան վրայ: Պեղումներից նկատուեց, որ արեւմտեանները համեմատաբար աւելի հին էին, քանի որ նրանց միջից միմիայն բրոնզէ իրեր էին գտնուում, իսկ աւելի արեւելք գտնուողների միջից բրոնզէ իրերի հետ նաեւ երկաթէ իրեր: Ընդհանրապէս դամբանները 11-13 մետր տրամագիծ ունէին, և դաշտից 1¹/₂-2 մետր բարձրութիւն: Իւրաքանչիւրը պատած էր քարէ երկու շրջապատով, մինը դամբանի եզրին, իսկ միւսը՝ գագաթին. վերջինիս տրամագիծը 2-3 մետր էր լինում: Առաջին շրջապատի քարերն ընդհանրապէս մեծ են, իսկ երկրորդինը՝ փոքր: Այս երկրորդ շրջանակը մի քանիսի վրայ ձուածն է լինում, և երբ սրա մէջը 1¹/₂-2 մետր խորութեամբ փորում էինք, բացւում էին սովորաբար երեք ահագին մեծութեան քարեր, 2-3 մետր երկարութեան, 1-1,50 մետր լայնութեան և 18-32 սանտիմետր հաստութեան, որոնք ձգուած էին արեւելքից արեւմուտք: Այսպիսի քարերի տակ գտնւում էր գերեզմանը՝ հիւսիսից հարաւ ձգուած և սովորաբար 2-3 մետր երկարութեան և 1,50 մետր լայնութեան, 2-3 մետր էլ խորութեան, բոլորն էլ քառանկիւնի, և բաւական մեծ քարերով պատ քաշած: Գերեզմանը ամբողջովին լցուած էր մաքուր հողով, իսկ դիակների շուրջը նկատուի էր աւազ, որի շնորհիւ և ոսկորները բաւական լաւ էին մնացել: Իւրաքանչիւր գերեզմանում կար 1-5 մարդկային կմախք, տաւարի և ոչխարի ոսկորներ, մինի մէջ ձիու ամբողջ կմախքը և այլն: Ննջեցեալները Թաղուած էին մեծ մասամբ պզգամ գիրքով, կային նաեւ հիւսիսից հարաւ պառկած ձևով: Բոլորի գանգերն էլ երկարագլուխ էին: Առաջին շարքից եւս պեղեցի միայն երեք դամբան, թողնելով մնացածներն աւելի հմուտ հնագէտի: Սրանցից առաջին տրամագիծն էր 11 մետր, բարձրութիւնը 1,44 մետր. գերեզմանի երկարութիւնն էր 2,16 մետր, լայնութիւնը 1,50 մետր, իսկ խո-

բութինը՝ մինչև երեսի երեք ահագին քարերը 1,44, իսկ մինչև զերեզմանի յատակը՝ 2,16 մետր։ Գերեզմանի մէջ կային վեց կմախք, ընդ որն էլ պղծած ձևով։ Երանցից երկուսը գտնուում էին հիւսիսային կողմում, մի մի արևելեան և հարաւային և երկուսը՝ արևմտեան կողմում։ Այս վերջին կմախքներից մինը երեխայի էր



Նկար 1

և թևին ունէր մի շատ գեղեցիկ բրոնզէ ապարանջան, և 3 մատանիներ՝ մատերին, վզի և ձեռների մօտ կային ուլունքների հիւսիսային կողմում, երկու կմախքների մօտ դրուած էր մի մեծ պուլիկ սև կաւից, 2 ունկով և վերան նախշեր։

Երկրորդ դամբանը (նկար 1) գտնուում է առաջինից 4 մետր հեռավորության վրայ և նրանից փոքր ինչ մեծ է, տրամագիծն է 11 մետր: Գերեզմանի երկարությունն էր 3,24 մետր, լայնությունը 1,50 մետր, իսկ խորությունը 4,32 մետր: Ծածկուած էր չորս անագին քարերով: Սրա մէջ կային մի տղամարդու և 2 կնոջ կրճախքներ պղծած դրութեամբ, երկուսի գլուխը դէպի ներքև, կարճաճները պղծած դրութեամբ, երկուսի գլուխը դէպի արևելք ուղղուած: Այս վերջիններին թևերի վրայ գտնուեցան 4 ապարանջաններ: Կրճախքների առջև երկու կարգ պուլիկներ էին հորած, իւրաքանչիւրում հինգ հատ, ապա դրուած էր մի մեծ կտորուած կնուճ, որի միջից հողի հետ միասին դուրս եկաւ մի մարդկային կմախք: Ապա միջից հողի հետ միասին դուրս եկաւ մի մարդկային կմախք: Ապա երկու շարք դարձնալ կնուճներ, իւրաքանչիւրում վեց հատ: Սրանց մօտ թաղուած էր մի մարդ՝ պառկած դրութեամբ, գլուխը արևելեան կողմում, իսկ ոտները արևմտեան: Սրա կողքից ձգուած էր մի երկաթէ թուր 90 սանտիմետր երկարութեամբ, իսկ ոտների մօտ, հիւսիսից հարաւ, դրուած էր մի երկաթէ նիզակ: Այս կմախքը երկարագլուխ էր և լաւ պահպանուել էր: Սրա մօտ, նոյն ուղղութեամբ ձգուած էր մի ձիու կմախք, մէջքի վրայ, առաջի ոտները բերանի մօտ կապած, բերանին՝ երկաթէ սանձ:

Այս շարքի երրորդ դամբանը, որ նոյնպէս մօտ 4 մետր հեռու էր գտնուում երկրորդից, համեմատաբար փոքր էր, 8,50 մետր տրամագծով: Գերեզմանի երկարությունն էր 1,80 մետր, լայնությունը 1,44 մետր, իսկ խորությունը 3,60 մետր: Երեք անագին քարերը վերցնելուց յետոյ հարաւ-արևմտեան անկիւնում երևեցաւ մի կմախք՝ պղծած դրութեամբ, երկարագլուխ, որի վրայ նկատուում են դաշոյնի և նիզակի հարուածների հետքեր: Սրա աջ ձեռին եղել է մի գաւազան, որի գլուխը գտնուեց և որը բաւական նուրբ արուեստ է ներկայացնում: Մէջքին կապած էր բրոնզէ գօտի՝ 3 սանտ. լայնութեան, և 80 սանտ. երկարութեան. ինչպէս երևում էր, մէջքի կողմը կաշով էր ամրացրուած, որովհետև մօտ 18 սանտիմետր երկարութեամբ շրջանը բաց էր: Գօտու մօտ գտնուեց մի շատ գեղեցիկ դաշոյն, բրոնզէ պատեանի մէջ, մի հիւսնայի ապարանջան էլ թևին:

Սրա կողքին արևմտա-հարաւային անկիւնում կային երկու պղծած տղամարդու կմախքներ և մի գորշուկի գլուխ, իսկ սրանց բոլորի առջև, արևմուտքից դէպի արևելք ձգուած էր մի ուրիշ տղամարդու կմախք, որի կողքին կար մի երկաթէ երկար դաշոյն: Փոքր ինչ հիւսիս անկանոն կերպով թափուած էին տաւարի ոսկորներ, և ապա երկու շարքով շարուած էին 8 պուլիկներ:


Երկրորդ շարքի չորս դամբաններից առաջինը 3,24 մետր

տրամագիծ ունէր, և 2 մետր բարձր էր դաշտից: Գերեզմանի երկարութիւնն էր 2 մետր, լայնութիւնը 1,50 մետր, իսկ խորութիւնը 3 մետր, ծածկուած 3 ահագին սալերով: Գերեզմանի հարաւային կողմում կային երկու, մինը տղամարդու և միւսը կնոջ, պղղած կմախքներ, միմեանց շատ մօտ և երեսները միմեանց դարձրած: Սրանցից միւրի կողքին գտնուեց մի բրոնզէ դաշոյն, իսկ միւսի թեքերին ապարանջաններ: Այս կմախքներից դէպի արեւմտահարաւ կար միայն մի գանգ, երեսը դէպի սրանց ուղղած, իսկ դէպի արեւելահարաւ մի պղղած մարդ՝ որի երեսը դէպի երկինք էր դարձրած: Հիւսիսային կողմում 12 հատ պուլիկներ էին շարուած:

Սոյն շարքի երկրորդ դամբանը, որ առաջինց հազիւ 2 մետր հեռու էր, 14 մետր տրամագիծ ունէր, և դաշտի երեսից 2 մետր բարձրութեան էր: Գերեզմանի երկարութիւնն էր 2 մետր, լայնութիւնը 1,50 մետր, իսկ խորութիւնը 3 մետր: Սա ևս ծածկուած էր երեք մեծ սալերով: Սրա հարաւային կողմում պղղած դրութեամբ կային երկու, տղամարդու և կնոջ, կմախքներ, երեսները միմեանց դարձրած, առջևում երկու շարք պուլիկներ, միւսում 4, միւսում 3, որոնց մէջ կային գառան ոսկորներ: Գերեզմանի միւս երեք կողմերումն էլ կային մի մի պղղած կմախքներ, որոնցից արեւելեանի մօտ գտնուեց մի բրոնզէ գօտի և մի դաշոյն, ինչպէս և մի պուլիկ. արեւմտեանի մօտ՝ երկու բրոնզէ ապարանջան և մի պուլիկ. իսկ հիւսիսայինի մօտ՝ մի մեծ կարաս:

Երրորդ դամբանը, որ նոյնպէս 2 մետր հեռու էր երկրորդից, (նկ. 2). 13 մետր տրամագիծ ունէր և 2 մետր բարձրութիւն դաշտից: Գերեզմանը միւսներից շատ երկար էր, 3,60 մետր, իսկ լայնութիւնը նոյնն էր, 1,50 մետր, խորութիւնը 3 մետր. ծածկուած էր 4 ահագին սալերով: Գերեզմանի հարաւային կողմում, մի շարքով գտնուում էին երեք տղամարդկանց պղղած կմախքներ, երեսները դէպի հիւսիս դարձրած: Սրանցից առաջին երկուսի մօտ գտնուեցան մի մի բրոնզէ դաշոյն, իսկ երրորդի մօտ մի բրոնզէ երկմանի՝ աջ ձեռքին բռնած: Առաջին կմախքի կողքին դրուած էր մի կուլա և մի թաս, իսկ երեք կմախքների առջև շարուած էին վեց պուլիկներ մի շարքով, որոնցից փոքր ինչ հիւսիս՝ մի մեծ քասա, որի թէ մէջը և թէ մանաւանդ շուրջը կային տաւարի ոսկորներ: Երեք պուլիկներ էլ շարուած էին արեւելեան պատին կից, որոնց մէջ կային ոչխարի ոսկորներ:

Չորրորդ դամբանը համեմատաբար փոքր էր, 11 մետր տրամագծով, բայց նոյն, 2 մետր բարձրութեան: Գերեզմանի երկարութիւնն էր 2 մետր, լայնութիւնը 1,50 մետր, իսկ խորու-



ՆԿ. 2 ԳԱՄԲԱՆ ՆՈՐ-ԱՍՅԱՋԵՏԻ ՄՈՏ

Թիւնը 1,50 մետրի: Մածկուած էր երեք սալերով: Սրա հարաւային կողմում կային երկու, մի տղամարդու և մի կնոջ, պազած կմախքներ, երեսները միմեանց դարձրած, առջևում նախ մի մեծ և ապա չորս փոքր պուլիկներ դրուած, որոնց մէջ կային տաւարի ոսկորներ:

Երրորդ շարքի առաջին դամբանը բոլորից մեծ էր և աւելի լաւ էր շինուած: Նրա տրամագիծն էր 15 մետր, իսկ բարձրութիւնը դաշտի երեսից 2 մետր: Գերեզմանի երկարութիւնը հասնում էր 4,32 մետրի,

իսկ լայնութիւնը՝ 1,80 մետրի. խորութիւնը 3 մետրի: Գերեզմանը ուղղուած էր հիւսիսից հարաւ և ծածկուած չորս ահագին սալերով:

Այս ահագին գերեզմանի մէջ հիւսիսից հարաւ պառկած էին երկու կմախքներ, մինը, որ տղամարդու էր, մեծ էր և պառկած էր աջ կողմի վրայ, ոտները ծալած, միւսը՝ որ կնոջ էր, աւելի փոքր էր, և պառկած էր ձախ կողքի վրայ, հետևապէս և երեսը դէպի տղամարդը դարձրած, ոտներն էլ ծալած ու տղամարդի ոտների վրայ դրուած: Թէ տղամարդի և թէ, մանաւանդ, կնոջ վերայից մեծ քանակութեամբ կարմիր ուլունքներ գտնուե-

ցան, Վղին, կրծքին և թևերին, Գլխների վերևն էլ պառկած էր մի երեխայի կմախք, ձեռներին կարմիր ուլունքներ: Այս ահագին դերեզմանի մէջ այլ ևս ոչինչ չկար, ոչ բրոնզէ որևէ իր և ոչ մի որևէ կաւէ աման: Երկու կմախքն էլ երկարագլուխ էին:

Ոչ պակաս ուշադրութեան արժանի էր նաև սրա մօտ զբաղեցրած դամբանը, որ 11 մետր տրամագիծ ունէր և 2,16 մետր բարձրութիւն: Գերեզմանի երկարութիւնն էր 2,16 մետր, լայնութիւնը 1,44, ուղղութիւնը՝ հիւսիսից հարաւ, ծածկուած մանր քարերով: Հետաքրքրականը այն էր, որ մի մետր փոքրիւց յետոյ դառնուեց մի ֆալսւած և քար, մօտ 54 սանտիմետր երկարութեամբ և 25 սանտիմ. տրամագծով, պառկած դրութեամբ:

Եւ այդ քարը ծանրութեան պատճառով չկարողացայ բերել թիֆլիս, այլ թողի Նոր-Բայազէտ մի ուսուցչի մօտ: Մէկ ու կէս մետր ևս փոքրիւց յետոյ դառնուեց միմեանց մօտ երկու երկարագլուխ, տղամարդու և կնոջ, պզգած կմախքներ, առաջներում հինգ պուլիկ դրուած, ուրիշ ոչինչ:

Միւս երեք դամբանների մէջ բացի հատու կտոր ոսկորներից և մանաւանդ ատամներից ուրիշ ոչինչ չգտնուեց:

Յունիսի սկզբին ևս տեղափոխուեցայ Ղչլազ գիւղը, ուր մնալով մինչև նոյն ամսի վերջը՝ պեղումներ կատարեցի գիւղի շրջակայքում և՛ մանաւանդ Մանիշարի սրանչելի հովտում: Եւ այստեղ զանց եմ առնում նկարագրելու այս վայրերը, որովհետև այդ անելու եմ այս աշխատութեան տեղագրական բաժնում:

Այս գիւղից մի կիլոմետր դէպի արևելք և Սևանայ լճից 2 կիլոմետր դէպի արևմուտք «Աղըներ» (ոչխար պահելու տեղ) կոչուած տեղում երկու շարքով ձգւում են արևմուտքից արևելք առաջնում 5, իսկ երկրորդում 3 դամբաններ: Թէ սրանցից ներքև, և թէ վերև նոյնպէս կան դամբաններ, միայն դասաւորուած են մէկ մէկ կամ երկ-երկու: Այս խմբից ևս պեղել տուի առաջին շարքից հինգը, իսկ երկրորդից՝ երկուսը: Այս դամբանների վրայ թմբեր չկան, երևի շրջակայքից փոքր ինչ բարձր դիրքի վրայ գտնուելու պատճառով, քամու ազդեցութեամբ կամաց կամաց հողը տարուել է, և քարերը մնացել են ցցուած:

Այս առաջին շարքի արևմտեան ծայրի առաջին դամբանը բոլորից փոքր էր, 3 մետր տրամագծով. գերեզմանի երկարութիւնն էր 1½ մետր, լայնութիւնը 72 ս. և խորութիւնը 1½ մետր: Սրա մէջ երևեցաւ մի երկարագլուխ տղամարդու կմախք՝ պզգած դիրքով, կողքին 3 հատ պուլիկ:

Երկրորդ դամբանը 3,60 մետր տրամագիծ ունէր. գերեզմանը 2½ մետր երկարութիւն, 1½ մետր լայնութիւն և 2 մետր խոր-



ՆԿ. 3 ԴԱՄԲԱՆ ՆՈՐ-ԲԱՅԱԶԷՏԻ ՄՈՏ ՂԵՆԱՂՈՒՄ.

բութիւն: Երկա-
կան մետր երկա-
րոյ ինքան չորս
սանտիմէր քարեր
ձգուած էին գե-
րեզմանի վրայ,
որ ձգուած էր
հիւսիսից հարաւ:
Սրա հարաւ-ա-
րեւելեան անկիւ-
նում պղպած դը-
րութեամբ դըա-
նում էին մի տը-
ղամարդու և մի
կնոջ երկարագը-
լուի կմախքներ,
որոնց երեսները
միմեանց էին
դարձրուած և
ձեռները միմե-
անց վզով փա-
րուած: Սրանցից
փոքր ինչ հեռու,
հարաւային կող-
մում, կար նոյն-
պէս մի պղպած
կնոջ կմախք, որի
մօտից գտնուե-
ցին մի բրոնզէ
ապարանջան, մի
գնդասեղ և մի
քիչ ուլունք: Ա-
ռաջին երկու կը-
մախքների առջև
արեւմուտքից ա-

րեւելք միմեանց վրայ դարսուած էին երեք մարդու կմախքներ,
որոնց գլուխները կըտրուած էին և գերեզմանի մէջ տեղում մի
շաբթով շարուած, հիւսիս արեւելքից հարաւ արեւմուտք ուղղու-
թեամբ. առաջին երեսը ուղղուած էր դէպի արեւմտա-հարաւ, մի-
ջինինը դէպի արեւմուտք, իսկ երրորդինը՝ դէպի արեւելահիւսիս:

Այս բոլոր գանգերն էլ երկարագլուխ էին: Գերեզմանում ոչ մի պուլիկ չկար գրուած:

Նոյն շարքի երրորդ դամբանի տրամագիծն էր 5 մետր, իսկ գերեզմանի երկար. 3 մետր, լայն. 1,80 մետր, խոր. 2,16 մետր: Մածկուած էր 4 ահագին քարերով: Գերեզմանի մէջ կար միայն մի տղամարդու երկարագլուխ կմախք, հիւսիսից հարաւ ուղղուած և երեսը դէպի արեւմուտք դարձրած: Սրա ձեռին կար մի գաւազանի գլուխ, բրոնզէ, բաւական գեղեցիկ: Գերեզմանում ուրիշ ոչինչ չգտնուեց:

Նոյն շարքի չորրորդ դամբանը բաւական մեծ էր, տրամագիծը հասնում էր 6 մետրի, գերեզմանի երկարութիւնն էր 3 մետր, լայն. 1¹/₂ մետր, իսկ խորութիւնը 3 մետր: Այս ահագին գերեզմանի մէջ տեղում գտնուեց մի կնոջ երկարագլուխ կրմախք, պղզած գրութեամբ, երեսը դէպի հարաւ ուղղուած: Հիւսիսային և հարաւային կողմում շարուած էին չորսական պուլիկներ:

Սոյն շարքի հինգերորդ դամբանը ամենամեծն էր, 8 մետր տրամագծով. բուն գերեզմանը 2,16 մետր երկարութիւն, 72 ս. լայն. և երկու մետր խորութիւն ունէր, և 3 մեծ քարերով ծածկուած էր: Սրա հարաւային կողմում դարսուած էին մի շարքով երեք պուլիկներ և սրանց առաջ 3 երկարագլուխ, պղզած կմախքներ, որոնցից մէջ տեղինի ձեռի վրայ կար մի բարակ բրոնզէ ապարանջան, իսկ միւս երկուսի մօտ գրուած էր դարձեալ մի մի պուլիկ: Գերեզմանի մէջ տեղում կար մի կնոջ և մի տղամարդու երկարագլուխ կմախք, դարձեալ պղզած գրութեամբ, որոնցից աջակողմանի, այսինքն տղամարդու, մօտ գտնուեց մի բրոնզէ դաշոյն, իսկ ձախակողմանի, այսինքն կնոջ, մատներին 3 մատանի, թևին մի ապարանջան, և ոտին՝ երկու ապարանջան, լայն բրոնզէ ժապաւէնով ամրացրած: Հիւսիսային կողմում էլ դրուած էր 2 շարքով 6 պուլիկ:

Երկրորդ շարքի առաջին դամբանից ոչինչ դուրս չեկաւ, երկրորդի տրամագիծն էր 5 մետր. գերեզմանի երկար. 2¹/₂ մետր, լայն. 90 ս. և խոր. 1,80 մետր: Գերեզմանը, միւսներին հակառակ, ուղղուած էր արեւելքից արեւմուտք, և ծածկուած 3 ահագին քարերով, որ ձգուած էին հիւսիսից հարաւ, մինչդեռ միւս գերեզմանների քարերը ձգուած էին արեւելքից արեւմուտք:

Այս գերեզմանի հարաւ արեւմտեան անկիւնում գտնուում էր մի երկարագլուխ կնոջ կմախք, պղզած ուղղութեամբ, որի մօտից գտնուեցան ուլունքներ, իսկ մէջ տեղում պառկած գրութեամբ կար մի ուրիշ կնոջ կմախք, գլուխը արեւելեան կողմը, իսկ ոտ-

ները՝ դէպի արևմուտք։ Սրա թևի վրայից գտնուեց մի հաստ, բրոնզէ ապարանջան։

Աղբիւններից եւ անցայ դարձեալ դէպի արևելահարաւ, գիւղից մօտ 4, իսկ Սեանայ լճից մօտ մի կիլոմետր հեռու, և Մանիշարի բլրակի երկու լանջերին ու սրանից մօտ 100 մետր դէպի արևմուտք, նոյնպէս մի ցածրագիր, բայց ընդարձակ բլրի արևելահայեաց լանջին գտայ մի քանի խուժր դամբաններ։ Սրանցից եւս պեղեցի միմիայն 22 հաստ։

Այս դամբանները եւ շրջապատուած լինելով մեծ մեծ քարերով, գետնից $1\frac{1}{2}$ մետր բարձրութիւն ունէին։ Գրեթէ բոլորն էլ ուղղուած էին հիւսիսից հարաւ, ծածկուած լինելով 3-4 մեծ սալերով, որոնք ձգուած էին արևելքից արևմուտք։ Այս սալաքարերը բացուած էին 72 սանտիմետրից— $1\frac{1}{2}$ մետր փոքրիւց յետոյ։ Գրեթէ բոլոր գերեզմաններն էլ 2 մետր երկարութեան, $1\frac{1}{2}$ մետր լայնութեան և 2 մետր խորութեան էին լինում։ Դուրս եկած կմախքներն առանց բացառութեան երկարագլուխ էին և մասամբ լաւ պահուած, այնպէս որ ինձ յաջողուեց մի քանիսը վերցնել ինձ հետ։ Բոլորն էլ վերաբերում են բրոնզի դարին, որովհետև բացի այդ մետաղից, ուրիշը չգտնուեց դրանց մէջ։

Սրանցից 16 առանձին ուշադրութեան արժանի չեն, որովհետև սրանց մէջ լինում էին 2 կամ 3 պղքած կմախքներ, մի երկու պուլիկ և մի քանիսի մէջ մի երկու հասարակ ապարանջան։ Մնացածներն արժանի են առանձին ուշադրութեան, ուստի և եւս կը նկարագրեմ մի առ մի։

Առաջին դամբանի տրամագիծն էր 5 մետր, գերեզմանի երկարութիւնը 3,24 մետր, լայնութիւնը $1\frac{1}{2}$ մետր և խորութիւնը 3 մետր։ Ծածկուած էր 3 մեծ սալաքարերով։ Սրա հարաւ արևելեան անկիւնում պղծած ձևով գտնուեցան 3 երկարագլուխ կմախք, կողքին մի պուլիկ, հարաւ—արևմտեան կողմում երկու պղծած, նոյնպէս երկարագլուխ կմախք, բոլորի երեսներն էլ դէպի հարաւ ուղղուած։ Վերջիններից առաջին թևին կար մի ապարանջան, միւսի մօտ, արևմտեան կողմում մի փոքրիկ քասա, մօտին մի կարաս բերնքսիվայր դրուած, որի մէջ պղծած ձևով մի փոքրիկ երեխայի կմախք, ձևին մի բրոնզէ ապարանջան։ Այս կարասի արևելեան կողմը կար մի պուլիկ, մէջը մի մանկան ծղիկ՝ բրոնզէ ապարանջանը վերան։ Սրա կողքին էլ մի ուրիշ պղծած կմախք, մի ապարանջան թևին։ Սրա մօտ, արևմտեան պատի ուղղութեամբ շարուած էին մի քսաս և չորս պղծած՝ երկարագլուխ կմախքներ, որոնցից առաջին մօտ գտնուեց մի գաւազանի երախպկալ։ Արևելեան կողմում դարձեալ պղծած ձև-

ւով գրուած էին նախ երկու և ապա մի պաղած, երկարագլուխ կմախքներ. վերջինիս մատից զուրս եկաւ 3 մատանի Հիւսիսային պատին կից, արեւմուտքից արեւելք ուղղուած էր մի ուրիշ երկարագլուխ կմախք, որի կողքին գտնուեց մի մեծ բրոնզեայ դաշոյն: Այս կմախքից փոքր ինչ հեռու, հիւսիս-արեւելեան անկիւնում կար մի պաղած երկարագլուխ կմախք, զարգարուած 2 գինգով, մի մանեակով, 4 մատանիով, 2 խխուհիլէ զարդով: Իսկ հիւսիս արեւմտեան անկիւնում մի ուրիշ պաղած կմախք, թևին երկու և ոտին մի ապարանջան, վերջինիցս կախուած է եղել նրա մօտ ընկած փոքրիկ զանգականման զարդը: Գեղեզմանի մէջ տեղումն էլ կար մի պաղած կմախք, թևին մի ապարանջան, և առաջը մի փոքրիկ թաւ: Այս բոլորը բացուեցան մի մետր խորութեան մէջ: Շարունակելով պեղումը 36 սանտիմետրաչափ, գտայ գեղեզմանի մէջ տեղում երկու պաղած, երկարագլուխ կմախք, հարաւ արեւելեան կողմումն էլ կար մի պաղած երկարագլուխ կին, զգին մանեակ, ականջին մի գինտ և թևին մի ապարանջան: Հիւսիս-արեւմտեան կողմում նոյնպէս մի երկարագլուխ, պաղած կմախք, ձեռին մի ապարանջան, կողքին 3 պուլիկ, Վերին և ներքին շարքերի կմախքների փթածութեան մէջ առանձին զանազանութիւն չէր նկատուում:

Սրան միանգամայն կից կար և մի ուրիշ դամբան, որ արտաքուստ կրում էր բոլոր նշանները, սակայն միջից ոչինչ զուրս չեկաւ, չնայելով որ հիմնովին պեղեցինք:

Ուշագրութեան արժանի երկրորդ դամբանը 2,16 մետր երկարութեան, 1,08 մետր լայնութեան և 2 մետր խորութեան էր: Սրա հարաւային պատի երկու անկիւններում գտնուեցան մի մի, իսկ հիւսիսային կողմի անկիւններին երկերկու երկարագլուխ կմախքներ՝ պաղած գրութեամբ: Մի կմախք էլ, դարձեալ երկարագլուխ, պաղած էր հարաւ-արեւմտեան անկիւնում պաղած կմախքի առջև, արեւմուտքից արեւելք: Այս գեղեզմանի տիրուհին հաւանօրէն հարաւ-արեւմտեան անկիւնում թաղուածն է եղել, որովհետեւ նա լիովին զարգարուած էր իւր դարի գրեթէ բոլոր զարդերով, այսպէս ականջներին կային կլոր գինտեր, զգին երկու մանեակ, մէջքին կար մի բրոնզէ գօտի, որից հաւանականօրէն կախուած են եղել նրա մօտ գտնուած զանգականման և կիսալուսնաձև և կարապանման պանդրոկները և մի դաշոյն: Աջ ձեռին կար 7 հատ ապարանջան, որոնցից առաջինը տափարակ էր, իսկ միւսները կլոր: Մատները վրայից հաւաքուեց 30 մատանի, որոնցից տասը հինգ հինգ շարուած էին երկու մատի վրայ: Ոտներին ևս կային երկու ապարանջան: Սրա մօտ գտնուեց նաև

մի գնդասեղ: Թէ այս կմախքի և թէ հարաւ-արեւելեան անկիւնի կմախքի մօտ դրուած էին մի մի պուլիկ: Մի պուլիկ էլ դրուած էր հիւսիս-արեւմտեան անկիւնի մի կմախքի մօտ: Միւս հինգ կմախքների մօտ ոչ մի զարդարունք չգտնուեց:

Ուշագրութեան արժանի երրորդ դամբանի երկարութիւնն էր 2,16 մետր, լայնութիւնը 1,08 մետր, իսկ խորութիւնը 2 մետր: Ինչպէս առաջինները, այնպէս և սա ուղղուած էր հիւսիսից հարաւ և ծածկուած միմիայն մի 3 մետր երկարութեան և մօտ 1 1/2 մետր լայնութեան քարով: Սրա մէջ, միմեանց վրայ, 18 սանտիմետրաչափ հողաշերտով քաժանուած թաղուած էին 18 կմախք, իւրաքանչիւր շարքում իննական: Բոլորն էլ պղղած էին, երեսները դէպի հարաւ դարձրած: Առաջին շարքի հարաւ արեւելեան անկիւնում թաղուածը, որ նոյնպէս պղղած էր, ծնկների վրայ երկու ձեռով բռնած ունէր մի փոքրիկ կաւէ աման: Որի մէջ խնամքով դարսուած էին նրա զարդերը:—9 ապարանջան, երկու գինտ, 6 մատանի, երեք հատ ըաղանման պանդըլով, մի փնտասեղ և բաւականաչափ ուլունքներ: Միւս կմախքների մօտից ոչինչ չգտնուեց: Բոլորն էլ երկարազուլս էին:

Չորրորդ դամբանի երկարութիւնն էր 3 մետր, լայնութիւնը 1 1/2 մետր և խորութիւնը 2,16 մետր: Ուղղուած էր հիւսիսից հարաւ և ծածկուած 3 մեծ սալաքարերով: Սրա հարաւային կողմում կային երկու, տղամարդու և կնոջ, երկարազուլս կմախքներ, պղղած և երեսները միմեանց դարձրած, առաջները մի պուլիկ: Փոքր ինչ հեռու, արեւելեան կողմում, հիւսիսից հարաւ պառկած էին նոյնպէս երկու, տղամարդու և կնոջ, կմախքներ, որոնցից կնոջ թևերին գտնուեցան երկու բրոնզէ ապարանջան, 5 մատանի և ուլունքներ: Սրանց կողքին երկու շարքով դրուած էին երեքական պուլիկներ: Ապա մի շարքով գալիս էին 3 պղղած մարդկանց կմախքներ, բոլորի երեսներն էլ դէպի հարաւ դարձրուած, մինի գլխի վրայ և միւսի ոտների տակ մի մի քսաս դրած: Երրորդի թևերից դուրս եկաւ 2 բրոնզէ ապարանջան:

Սրանց մօտ ևս, արեւելից դէպի արեւմուտք, երեսը դէպի հարաւ դարձրած պառկած էր մի ուրիշ կմախք, իւր կողքին ունենալով երկու պղղած կմախքներ, երեսները միմեանց, այսինքն մինը հարաւ, միւսը հիւսիս, դարձրած: Սրանց մէջտեղում դրուած էր մի պուլիկ: Արեւմտեան կողմի կմախքից դուրս եկաւ 2 բրոնզէ ապարանջան և 2 մատանի: Վերջին կմախքը գտնուում էր հիւսիսային պատի մօտ պղղած դրութեամբ և երեսը դէպի հարաւ դարձած, կողքին մի պուլիկ: Այս կմախքի երկու թևին կային

մի մի տափակ ապարանջան, մի մատին 5, միւս 3 մատերին էլ երկական մատանիններ:

Հինգերորդ դամբանը համեմատաբար փոքր էր, մի մետր երկարութեան, 72 սանտիմետր լայնութեան և 1,08 մետր խորութեան: Ուղղուած էր հիւսիսից հարաւ և ծածկուած միայն մի մեծ քարով: Սրա մէջ հարաւից դէպի հիւսիս, երեսը դէպի արեւմուտք պառկած էր մի տղամարդու կմախք, որի հարաւային կողմում կար մի կնոջ և մի երեխայի կմախք, երկուսն էլ պզգած զրուսեամբ: Կնոջ կմախքի թևից գտնուեց մի ապարանջան, իսկ երեխայի մատներից չորս մատանի, բոլորն էլ բրոնզից:

Վեցերորդ դամբանը բացուեց սրանցից փոքր ինչ հեռու, «Թագա-աղբի» կոչուած լանջում, լճից մօտ կէս կիլոմետր հեռու: Սրա երկարութիւնն էր 2,50 մետր, լայնութիւնը 90 սանտիմետր և խորութիւնը 2,16 մետր: Գերեզմանը ուղղուած էր հիւսիսից հարաւ և ծածկուած 3 մեծ քարերով: Գերեզմանի գրեթէ մէջտեղում, հիւսիսից հարաւ, մի շարքով, բայց միմեանցից մօտ 36-ական սանտիմետր հեռու զրուած էին չորս տղամարդկանց կմախքներ, չորսն էլ պզգած ձևով և երեսները դէպի հարաւ ուղղուած, մօտերին մի մի պուլիկ: Սրանցից հարաւային պատի մօտ պզգածի վրայ գտնուեց մի բրոնզէ գօտի, որ 11 սանտիմետր լայնութիւն և 65 սանտիմ. երկարութիւն ունէր, և սրանից էլ կախուած էր մի երկաթէ դաշոյն: Այս կմախքի աջ ձեռին կար մի բրոնզէ դաշոյն, որի վրայ սահել անցել էր թևի ապարանջանը, իսկ ձախ կողքի վրայ զրուած էր մի բրոնզէ նիզակ, դարձեալ բրոնզէ օղակով: Երրորդ կմախքի մօտ գտնուեց մի ֆիբուլ, ձեռին երկու ապարանջան, մինը լայն, միւսը կլոր, միւսին՝ 3 ապարանջան, երեքն էլ կլոր, մի դաշոյն, մի թուր և կողքին՝ մի նիզակ, բոլորն էլ երկաթէ: Զորքողի մօտ կար բրոնզէ մի գօտի, մի դաշոյն, և երկաթէ մի նիզակ:

Եօթերորդ դամբանը գտնուում էր Մանուշարի սարի լանջին: $1\frac{1}{2}$ մետր երկարութեան, 90 սանտիմետր լայնութեան և $1\frac{1}{2}$ մետր խորութեան էր, ծածկուած 3 քարերով: Սրա մէջ տեղում մի գծով շարուած էին վեց տղամարդկանց կտրուած գլուխներ, և նոյնչափ մարմիններ միմեանց վրայ դարսուած գերեզմանի հարաւային կողմում: Այս բոլոր կմախքների միջից գրտնուեց միմիայն 3 բրոնզէ մատանիններ: Նկատելի էր, որ կմախքները շատ մեծ էին, գլուխները բոլորն էլ երկար:

Մանիշարից փոքր ինչ հեռու, Դուլլուխ կոչուած տեղում պեղեցի երեք դամբան, սակայն այստեղ բացուեցան միմիայն կմախքներ պզգած ձևով, իսկ իրենց կամ ամանեղէն՝ ոչ մի հաստ:

Անհամեմատ հետաքրքրական էին այն դամբանները, որ գտնուում էին նոյն Ղշապ գիւղի արևելեան լանջին, նրանից մօտ 25 մետր, իսկ լճից մօտ 4 կիլոմետր հեռու, «Աղբրի-գլոխ» կոչուած տեղում: Ընդհանրապէս այս դամբանները համեմատաբար աւելի նոր ժամանակի էին, որովհետև շատ գերեզմաններում բրոնզի իրերի հետ գտնուում էին նաև երկաթէ իրեր, միայն կատարելապէս ժթած: Այստեղ ևս կան բաւականաչափ դամբաններ, որոնցից ես պեղեցի միայն իննը: Սրանցից առանձին ուշադրութեան արժանի են միայն հետևեալները.

Առաջին դամբանի տրամագիծը հասնում էր 8 մետրի, իսկ բարձրութիւնը գտնի երեսից հազիւ 1½ մետրի. շրջապատուած էր միջակ մեծութեան քարերով: (Տես առանձին թերթի վրայ տպուած 4 նկարը):

Գերեզմանը ուղղուած էր հիւսիսից հարաւ. երկարութիւնն էր 7 մետր, լայնութիւնը 1,80 մետր և խորութիւնը 2,16 մետր. ծածկուած էր 7 միծ սալաքարերով: Սրա մէջ ես գտայ 32 մարդկային, 2 ձիու, 2 շան, 1 կատուի, 1 այծի և մի քանի ոչխարի կմախքներ, և 32 հատ պուլիկներ, չհաշուած կոտորուածները: Այս գերեզմանի հարաւային կողմը, մօտ մի մետր երկարութեամբ առանձնացրուած էր 58 սանտիմետր բարձրութիւն ունեցող երեք քարերով: Այս մասի վերայ ձգուած էր ամենալաւ և ամենալայն սալը, որ 2,16 մետր երկարութիւն ունէր և 1,44 մետր լայնութիւն: Այս մասում, արևմուտքից արևելք ուղղուած պռակած էր մի տղամարդ՝ աջ կողքի վրայ, երեսը հարաւ դարձրած: Այս կմախքի մօտ, հարաւային կողմում պղզած դրութեամբ կային մի կնոջ և մի երեխայի կմախք, և սրանց մօտ՝ մի կոտորուած և մի ամբողջ պուլիկ: Պատի մօտ գտնուում էին 3 տղամարդու կմախքներ՝ պղզած, և երեսները դէպի հարաւ դարձրած. սրանց առաջ դրուած էին երեք պուլիկ: Այս կմախքներից միին մօտ գտնուեց մի բրոնզէ ապարանջան և մի երկաթէ դաշոյն: Պատկած տղամարդի հիւսիսային և հարաւային կողմերում գտնուում էին նաև մի մի կանաչի կմախք, պղզած դրութեամբ, որոնցից միին մօտ կար 2, իսկ միւսի մօտ միայն մի պուլիկ: Առաջին կմախքի երեսը դարձուած էր դէպի հարաւ, իսկ երկրորդին՝ արևելք:

Այս շրջապատից դուրս՝ դէպի հիւսիս՝ միմեանցից 72 սանտիմետր հեռու կային երկու զոյգ պղզած կմախքներ: Իւրաքանչիւր զոյգը բաղկացած էր մի տղամարդուց և մի կնոջից, որոնց երեսները միմեանց էին ուղղուած և ամէն միին առաջը մի պուլիկ էր դրուած: Վերջին զոյգի վրայից գտնուեց զանգականման

բրոնզէ պանդըլով և երկու երկաթէ ապարանջան: Սրանցից փոքր ինչ հիւսիս, արեւմտեան պատի մօտ, մի մեծ քասի (լայն և ցածր աման) մէջ դրուած էր երկու գանգ, երեսները վերև դարձրած, իսկ սրանց մարմինները կմախքները գտնուում էին այս քասի տակ: Այս վերջինների հանդէպ, արեւելեան կողմում, կար մի ուրիշ պղպած կմախք, որի գլխին դրուած էր մի քասա: Արեւմտեան պատի մօտի կմախքների մօտ գտնուեց մի կատուի գանգ, մօտը՝ մի տղամարդու կմախք, պղպած դուրբեամբ, առջևը մի պուլիկ: Սրանից էլ փոքր ինչ հեռու կար երկու, տղամարդու և կնոջ, կմախքներ, երեսները դէպի հարաւ ուղղուած և ամեն մինի առաջ երկու պուլիկ դրուած: Այս երկու կմախքներից մինի վրայ ես գտայ մի գանգականման, բրոնզէ պանդըլով: Սրանցից էլ փոքր ինչ հիւսիս-արեւելք, կար մի ուրիշ, տղամարդու կմախք, նոյնպէս պղպած, միայն երեսը դէպի արեւելք ուղղուած. մօտը ընկած էր մի երկաթէ դաշոյն և դրուած էր մի պուլիկ: Սրա կողքին կար նաև մի կնոջ կմախք, պղպած և երեսը դէպի հարաւ ուղղուած. ձեռքն կար մի բրոնզէ ապարանջան, իսկ առջևը՝ երկու պուլիկ: Այս կմախքների մօտ արեւմուտքից արեւելք պտուկած էր մի տղամարդու կմախք, որի մօտ և նոյն ուղղութեամբ ձգոււմ էր մի ձիու կմախք, որի գագաթի մօտ կար մի պուլիկ, իսկ փոքր ինչ հեռու՝ թաղուած էր երկու պուլիկ, մինի մէջ ոչխարի գանգ. սրանցից փոքր ինչ հեռու երեւցին 2 պղպած կմախքներ, տղամարդու և կնոջ, երեսները միմեանց դարձրած, մօտերը արդէն կտրտուած պուլիկներ: Սրանցից հիւսիս-արեւմուտք, միմեանց վրայ դարսուած էին մարդկային հինգ կմախքներ, որոնց գլուխները մի շարքով շարուած էին արեւմտեան պատի երկարութեամբ, դէպի հիւսիս ուղղուած: Սրանց շուրջը քարեր էին դարսուած: Այս գանգերի առջև կային մի կնոջ և մի տղամարդու կմախք, պղպած դուրբեամբ և երեսները միմեանց դարձրած. սրանց մօտ՝ մի քասա. փոքր ինչ հեռու՝ մի շան կմախք, կողքին մի երեսայի կմախք, պղպած և երեսը դէպի հիւսիս դարձրած: Այս կմախքի մօտ դրուած էր մի պուլիկ և մի կաւէ ձէթի-ճրագ¹⁾: Այս կմախքի վրայ ես գտայ երեք մատանի և մի ֆիրուզ: Սրանից փոքր ինչ հիւսիս-արեւելք գտնուում էր մի կնոջ կմախք, պղպած ձեռով, երեսը դէպի հիւսիս, առջևում մի պուլիկ, իսկ կողքին մի կարասի կտոր. ձեռների վրայ գտնուեցան երկու ապա-


1) Երեսայի կմախքի մօտ դրուած ճրագը յիշեցնում է մի բնորոշ սովորութիւն, որ այժմ էլ հայերիս մէջ կատարւում է. — երեսային թաղելիս՝ ձեռքն մոմեր են տալիս, որպէսզի միւս աշխարհ գնալիս՝ մոմերը ճանապարհը լուսաւորեն:

րանջան, ականջներին՝ օղեր, և մատներին՝ մատանինքեր: Սրանից յետոյ ձգւում էին մի շարք կենդանիների կմախքներ. նախ արեւելեան կողմում պտուկած էր մի ձիու կմախք, որի երախը ուղղուած էր դէպի արեւելք. գանգի վրայ կար մի տեսակ բրոնզէ զարդարանք. յետոյ, փոքր ինչ հեռու մի մեծ քասի մէջ դրուած էր մի այծի գանգ և կողքին՝ մի շան կմախք: Զիու կմախքի մօտ կար չորս պուլիկ, որոնցից երկուսը միմեանց մէջ էին դրուած: Մի պուլիկ էլ այս երկուսի հանգէպ, ձիու գանգի ձախ կողմում կար: Շան գանգի մօտ, արեւմտեան անկիւնում, կային երկու, մի տղամարդու և մի կնոջ, պղպած կմախքներ, որոնցից փոքր ինչ արեւելք ընկած էր մի կատուի գլուխ: Այս երկուսի երեսներն էլ ուղղուած էին դէպի հիւսիս և առաջներն ունէին 4 պուլիկ: Սրանց վրայից ես գտայ մի երկաթէ դաշոյն և երկու բրոնզէ ապարանջան:

Այս ահագին դամբանի մօտ ես պեղեցի մի ուրիշ դամբան, որի տրամագիծը հաւասար էր 3,60 մետրի և շատ քիչ բարձր էր գետնից:

Գերեզմանի երկարութիւնն էր 2,16 մետր, լայնութիւնը $1\frac{1}{2}$ մետր, և խորութիւնը $2\frac{1}{2}$ մետր: Նա ուղղուած էր արեւելքից արեւմուտք, և ծածկուած երեք մեծ սալերով: Սրա մէջ, մէջքի վրայ արեւելքից արեւմուտք պառկած էր մի երկարազուլու մարդու կմախք, որի հարաւային, հիւսիսային և արեւելեան կողմերում գտնուում էին երկերկու կանացի կմախքներ, բոլորն էլ պղպած դրութեամբ: Հիւսիսային կողմի կմախքների երեսները ուղղուած էին հարաւ և սրանց առջև կային երեք պուլիկ. այս կմախքներից մինի մօտ ես գտայ մի ֆիբուլ և 3 մատանինքեր: Հարաւային կողմի կմախքների երեսները նոյնպէս հարաւ էին դարձրուած և սրանց մօտ էլ կային երեք պուլիկներ, որոնցից երկուսը կոտորուած էին, իսկ երրորդը քառանկիւնի է և ուշադրութեան արժանի: Այս կմախքների վրայ էլ ես գտայ 2 բրոնզէ ապարանջան և 5 մատանի: Արեւելեան կողմի կմախքները նայում էին դէպի արեւելք և իրենց առջևում ունէին երեք կոտորուած պուլիկներ:

Այս դամբանի մօտ ես գտնուում էր մի ուրիշ դամբան, $3\frac{1}{2}$ մետր տրամագիծով, և շատ քիչ բարձր գետնից: Գերեզմանի երկարութիւնը հասնում էր 2,16 մետրի, լայնութիւնը 1,08 մետրի, և խորութիւնը 1,80 մետրի: Ուղղուած էր հիւսիսից հարաւ և ծածկուած 3 սալով: Գերեզմանի մէջ տեղում, հարաւից հիւսիս, կրծքի վրայ պառկած էր մի երկարազուլու աղամարդու կմախք, որի հարաւային և արեւելեան կողմերում կային մի մի կնոջ



Курганъ близъ Новобаязета

նկ. 4 Գանձան Դելանդ (Gar-Panagol dos br. 28)

Sépulture près de Novobayazet.

կմախք, պղպած դրութեամբ, Պառկած կմախքի մէջքին կար մի բրոնզէ գօտի, որից ամրացրած էր եղել երկաթէ դաշոյնը, իսկ ձախ կողմում դրուած էր բրոնզէ գեղեցիկ մի նիզակ: Ուռներին կար երկու երկաթէ ապարանջան, իսկ մատներին՝ հինգ բրոնզէ մատանիներ: Մնարի մօտ, պղպած կմախքի շուրջը գտնուեցան վեց պուլիկներ, իսկ արեւելեան կողմում չորս պուլիկ: Բացի այս իրերից, գերեզմանի արեւելեան կողմում թափուած էին ոչխարի և տաւարի ոսկորներ:

Այս խմբի դամբաններից ուշագրաւ են նաև հետեւեալները, որոնք համեմատաբար աւելի նոր են:

Մի դամբան, որի տրամագիծը հասնում էր $3\frac{1}{2}$ մետրի և գետնից 72 սանտիմետր միայն բարձրութիւն ունէր, ուղղուած էր հիւսիսից հարաւ և ծածկուած երեք մեծ սալերով ու կրով: Գերեզմանի երկարութիւնն էր 1,80 մետր, լայնութիւնը՝ 90 սանտիմետր և խորութիւնը 2 մետր: Գերեզմանի հարաւային կողմում գտնուում էին երեք պղպած կմախքներ՝ մինը տղամարդու, միւսը կնոջ, իսկ երրորդը՝ երեխայի. բոլորն էլ երեսները հիւսիս էին դարձրած: Մի քիչ հեռու գտնուում էր չորրորդ կմախքը, որ կնոջ էր և նայում էր դէպի հարաւ: Սրանց առջևում կար նաև մի ուրիշ կնոջ կմախք. պղպած և երեսը դէպի վեր ուղղած: Այս կմախքի երկու մատներին եւ գտայ ութ բրոնզէ մատանի՝ ձեռնի երկու նոյնպիսի ապարանջան: Սրա առջևում դրուած էին հինգ պուլիկ, որոնցից մինի մէջ մոխրի կար և պուլիկի մի մասն էլ վառուած էր: Բանուոր գիւղացիների ասելով այս մոխիրը ոչ թէ փայտի, այլ քաքորի էր: Խիզախութիւն չէր լինիլ արդեօք ենթադրել, որ այդ հին ժամանակներում ևս այս կողմերը գուրկ են եղել անտառներից և ընակիչներն ստիպուած են եղել այժմեան պէս՝ քաքոր վառել:

Միւս դամբանը կլոր էր, 1,80 մետր տրամագիծով և նոյնքան խորութեան: Ծածկուած էր երեք քարերով: Հարաւային և հիւսիսային կողմերում մէջքերի վրայ պառկած էին երկական կմախքներ, և իւրաքանչիւր զոյգի մէջտեղ դրուած էին երկական պուլիկներ: Հարաւային կողմի կմախքի վրայ եւ գտայ մի երկաթէ դաշոյն և 2 երկաթէ ապարանջան. հիւսիսային կմախքների վրայ 7 երկաթէ ապարանջան:

Մի ուրիշ գերեզման ուղղուած էր արեւելից արեւմուտք, նրա երկարութիւնը հասնում էր 2,16 մետրի, լայնութիւնը 1,80 մետրի, իսկ խորութիւնը՝ $1\frac{1}{2}$ մետրի. ծածկուած էր երեք սալերով: Նրա արեւելեան կողմում գտնուում էր մի, իսկ արեւմտեան և հիւսիսային կողմերում երկական պղպած երկարագլուխ կմախք-

ներ, որոնցից միայն արևմտեան կողմում եղածի վրայ եւ գտայ մի երկաթէ մատանի և մի երկաթէ ֆիրուլ. ոչ մի պուլիկ չկար:

Աղբււրի անմիջապէս գլխին եղած դամբաններից ամենից ուշագրաւները հետեւեալներն են.

Առաջին գերեզմանը տարածւում էր հիւսիսից հարաւ և ծածկուած էր երեք մեծ քարերով. նրա երկարութիւնն էր 2,16 մետր, լայնութիւնը $1\frac{1}{2}$ մետր, և խորութիւնը 2,25 մետր. Մէջտեղում պզգած էր մի երկարազուլտ տղամարդու կմախք, մօտը՝ մի շան կմախք, պտուկած: Գերեզմանի հարաւային կողմում գտնւում էին երեք կանանց կմախքներ, պզգած ձևով, որոնց մօտ կար մի պուլիկ, մէջը և շուրջը ոչխարի ոսկորներ: Փոքր ինչ հեռու կար նաև մի քասա, որի մէջ դրուած էր մի մարդկային գանգ, շուրջը՝ մի քանի պուլիկներ: Վերոյիշեալ երեք կմախքների վրայ եւ գտայ երկու ապարանջան, 3 մատանի և մի գօտի, բոլորն էլ բրոնզից: Գերեզմանի հիւսիսային կողմում կար 4 պուլիկ և մի մեծ կարաս, վերջինս լի ծովային խրտանջներով:

Միւս գերեզմանի երկարութիւնն էր 1,80 մետր, լայնութիւնը $1\frac{1}{2}$ մետր և խորութիւնը 2,20 մետր: Մէջ տեղում գտնւում էին երկու կմախքներ՝ մի տղամարդու և մի կնոջ, պզգած դրութեամբ, երեսները միմեանց դարձրած: Գերեզմանի հարաւային կողմում եւ կային երեք պզգած կմախքներ, իսկ հիւսիսարևմտեան անկիւնում՝ մի պզգած տղամարդու կմախք, որի մօտ թաղուած էին երկու պուլիկներ:

Թէպէտ և Նշլաղում կային ուրիշ շատ դանբաններ ևս, սակայն եւ բաւական համարեցի այսքան պեղածս և յուլիսի սկզբին անցայ Նորադուղ:

Նորադուղից դէպի հիւսիս, մօտ 3 կիլոմետր հեռու, Քուսներ կոչուած տեղում, որ լճից հեռու է մի կիլոմետր, պեղեցի 9 դամբան, որոնցից առաջինը շատ մեծ էր, 6 մետր տրամագծով. վերան մեծ սալաքարեր չկային այլ աւազախառն մանր քարեր. բացուեց մի գերեզման, չորս բոլորից պատ քաշած. սրա երկարութիւնն էր 3,60 մետր, լայնութիւնը 2,90 մետր: Երեք մետր պեղելուց յետոյ՝ արևմտեան կողմում գտնուեցան ձիու ահագին առաւմներ, փոքր ինչ հեռու էլ մի վանակատէ դանակ: Միքիչ էլ խորացրինք՝ ջուր դուրս եկաւ. այն ժամանակ ամբողջ դամբանը խաչաձև կտրել տուի, սակայն ոչ մի ամբողջական կմախքի չպատահեցի: Երևի սաստիկ հին լինելու պատճառով կմախքներն արդէն հող էին դարձել, որովհետեւ պատահում էին առաւմներ, սաստիկ փաած վէգեր և այլ ոսկրի կտորներ: Սրա մօտ գտնուող միւս չորս դամբաններն էլ սրա նման էին, թէպէտ և սրանից

փոքր: Սակայն սրանց միջից վերոյիշեալ ատոմներէց էլ չգտնուեցան:

Այս դամբաններէց մօտ 70 մետր դէպի հարաւ, նոյն դաշտի մէջ, պեղեցի ուրիշ չորս դամբան էլ, որոնց բոլորի մէջ ևս զրոնուեցին թէ կմախքներ և թէ զանազան իրեր: Սրանցից առաջին երկարութիւնն էր $1\frac{1}{2}$ մետր, լայնութիւնը 1,08 մետր և խոր. $1\frac{1}{2}$ մետր, ծածկուած երկու մեծ սալաքարերով: Գերեզմանն ուղղուած էր հիւսիսից հարաւ. Հիւսիսային անկիւնում կային 2 պղպղած, երկարազուլե կմախքներ, մինը միւսի վրայ դրած, երկուսի երեսներն էլ դէպի հարաւ դարձրած: Վերևի կմախքի մօտ գտնուեց մի բրոնզէ մատանի, մի ապարանջան և մի պուլիկ:

Երկրորդ դամբանը, որ նոյնպէս հիւսիսից հարաւ էր ուղղուած և 2 մետր երկարութիւն, $1\frac{1}{2}$ մետր լայնութիւն և 2 մետր խորութիւն ունէր, ծածկուած էր 3 մեծ և տափակ քարերով: Սրա հարաւային կողմում պղպած դրութեամբ կային 8 կմախք, բոլորի երեսներն էլ դէպի հարաւ դարձրուած: Սրանց յետևը կար 2 պուլիկ, որ կոտրուած էին: Արևելեան կողմում, հիւսիսից հարաւ պառկած էր մի կմախք, աջ կողքի վրայ: Սրա մօտից զրոնուեց 3 գինտ, 2 թևի և 2 ոտի ապարանջան, 3 մատանի և մի գաւազանի գլուխ:

Հիւսիսային կողմումն էլ կար մի պուլիկ, որի մօտ կային տաւարի և ոչխարի ոսկորներ:

Երրորդ դամբանը նոյնպէս 3 մետր երկարութեան, $1\frac{1}{2}$ մետր լայնութեան և $2\frac{1}{2}$ մետր խորութեան էր, ծածկուած երեք մեծ սալերով: Սրա հարաւային կողմում կային 6 պղպած կմախքներ, որոնցից առաջին զոյգի երեսները դարձած էին դէպի հարաւ, երկրորդ զոյգինը դէպի հիւսիս և երրորդինը դէպի արևմուտք: Սրանց մօտ կար 3 պուլիկ: Հիւսիսային կողմում ևս կային երկու պղպած կմախք, երեսները դէպի հարաւ դարձրած և մօտերը մի պուլիկ դրած: Արևելեան կողմումն էլ կար մի ձիու կմախք, հիւսիսից հարաւ պառկած և մօտը երկու պղպած կմախքներ, երեսները դէպի ձին, մինի մօտին մի երկաթէ դաշոյն, իսկ միւսի մօտ մի պուլիկ:

Չորրորդը աւելի նորագոյն գերեզման էր, ուղղուած արևելքից արևմուտք և ծածկուած միայն մի տափարակ քարով: Չորս կողմն էլ փոխանակ պատի, ռւնէր միայն մի մի սալ քար: Երկարութիւնն էր 1,80 մետր, լայնութիւնը 72 սանտիմետր, խորութիւնը 1,08 մետր: Սրա մէջ արևմուտքից դէպի արևելք, մէջքի վրայ պառկած էր մի կմախք, նոյնպէս երկարազուլե, որի կողքից

գտնուեց մի երկաթէ դաշոյն, մնարի մօտից մի պուլիկ, և ունեւրի մօտից մի կաւէ ձիթի ճրագ:

Նորագուշի արեւելեան կողմին, Շօրգեօլ կոչուած տեղում, լճի անմիջապէս ափին պեղեցի տասը դամբան, որոնցից չորսը գտնուում էին լճի ափին, հազիւ 7 մետր հեռու, երեքը՝ սրանց զուգահեռական, միայն մօտ 22 մետր հեռու, իսկ մնացած երեքը սրանց ուղղահայեաց: Առաջին չորսը, որ դասաւորուած էին լճի անմիջապէս ափին, 3—4 մետր տրամագիծ ունէին, բոլորն էլ շրջապատուած բաւական մեծ քարերով, և ծածկուած երկական կամ երեքական սալերով: Երեք գերեզմանների չորս կողմը պատ կար քաշուած, իսկ մէկինը ոչ: Գրեթէ բոլորի երկարութիւնն էլ երկական մետր էր, 1—1½ մետր լայնութիւնը և 2—3 մետր խորութիւնը: Բոլորն էլ հիւսիսից հարաւ ուղղուած: Սրանց միջից ոչ մի կմախք չգտնուեց, այլ միմիայն վանակատի (արսիդիան) դանակի կտորներ, մի երկու յղած քար և ուրիշ ոչինչ: Կարելի է ենթադրել, որ սրանք ճյնքան հին են եղել, որ բոլոր կմախքները հող են դարձել: Սոյն վիճակի մէջ էին նաև սրանց զուգահեռական 3 գերեզմանները: Մնացած 3 դամբաններից առաջինը ուղղած էր արեւելից արեւմուտք. 1,62 մետր երկարութիւն ունէր, 1,08 մետր լայնութիւն և 1½ մետր խորութիւն: Սրա արեւելեան կողմում պզգած դրութեամբ կային չորս զոյգ, տղամարդու և կնոջ և մի երեխայի կմախքներ, բոլորն էլ երկարագլուխ, երեսները միմեանց դարձուած: Հարաւային կողմում էլ կար մի պզգած տղամարդու կմախք, երեսը դէպի հիւսիս. սրա մօտից գտնուեց 2 բրոնզէ ապարանջան, մի բաղանման պանդըլոք, և մի պուլիկ:

Երկրորդն ուղղուած էր հիւսիսից հարաւ, 2,16 մետր երկարութեան, 1,08 մետր լայնութեան և 1½ մետր խորութեան էր, ծածկուած 3 սալաքարով: Սրա հիւսիսա-արեւելեան անկիւնում կային մի տղամարդու և մի կնոջ պզգած կմախք, երեսները միմեանց դարձրած, մօտերը մի մի պուլիկ: Հիւսիս-արեւմտեան անկիւնում ևս պզգած էին դարձեալ մի կնոջ և մի տղամարդու կմախք, երեսները միմեանց դարձրած, միայն առաջներում մի պուլիկ: Այս վերջին զոյգի առջև, արեւմուտքից դէպի արեւելք, երեսը դէպի հիւսիս դարձրած պառկած էր մի տղամարդու կմախք, ունենալով աջ թևին մի բրոնզէ ապարանջան, և առջևում մի պուլիկ: Սրա կողքին պզգած դրութեամբ կար մի կնոջ կմախք, երեսը դէպի հիւսիս դարձրած և երկու ձեռներին մի մի բրոնզէ ապարանջան:

Երրորդ գերեզմանը նոյնպէս ուղղուած էր հիւսիսից հարաւ:

1,62 մետր երկարութիւն, 90 սանտիմետր լայնութիւն և 1,08 մետր խորութիւն ունէր, ծածկուած 3 մեծ սալաքարերով: Սրա հիւսիսային կողմում կային պղզած ձևով 3 կնոջ կմախքներ, որոնց երեսները դէպի հարաւ էին ուղղուած: Հարաւային կողմումն էլ մի պղզած կնոջ կմախք կար, կողքին դրուած մի բրոնզէ դօտի և 7 հատ բրոնզէ ապարանջան:

Այս դամբաններէ մօտ բարձրանում է մի քարաբլուր, որի արևմտահայեաց լանջի վրայ ևս կան դամբաններ: Սրանցից ես պեղել տուի չորսը, որոնց երեքից ոչինչ չգտնուեց, թէպէտ և արտաքուստ շրջապատուած էին մեծ մեծ քարերով և ծածկուած երեքական սալերով, սակայն ներքուստ պատեր չկային: Վերջին գերեզմանը կլոր էր, պատով պատած, 1,80 մետր տրամագծով և 3 մետր խորութեան: Վերան ծածկի քարեր չկային: Սրա արևելեան և արևմտեան կողմերում բացուեցան մի կնոջ և մի տղամարդու պղզած կմախք, երեսները դէպի հարաւ դարձուած: Սրանց միջև դարսուած էին չորս պուլիկներ: Արևմտեան կողմի կամ տղամարդու մօտ գտնուեց մի բրոնզէ դաշոյն և մի ապարանջան: Սրա մօտ կուտակուած էր տաւարի ոսկորներ, որոնց մէջից գտնուեց 13 բրոնզէ նետ:


Նորագոյզ գիւղում, հինաւուրց, միակ կամուրջի մօտ, գետի ձախ ափին, փոքրիկ բարձրութեան լանջին բացուեցան երկու տեսակի գերեզմաններ. առաջնում ննջեցեալը դրուած է մի կամ երկու կարասի, երկրորդում, վեց տափարակ քարերի մէջ: Առաջին տեսակը պատահում է բարձրութեան ստորին մասում, գետին մօտիկ, երկրորդը աւելի բարձրում: Եթէ մի կարասի մէջ է, (նկ. 5) կարասը կանգնեցրած է, կմախքը պղզած ձևով դրած մէջը և բերանը մի սալ քարով ծածկուած: Կմախքի երեսը դէպի հարաւ է դարձրած: Եթէ երկու կարասի մէջ է, (նկ. 6) այն ժամանակ կարասները բերան բերանի են դրուած հիւսիսից հարաւ ուղղութեամբ և սրանց երկուսի մէջ երկարացրած է մարդը, երեսը դարձեալ դէպի հարաւ դարձրած: Այս կարասների միջից կամ կողքից դուրս են գալիս մանր պուլիկներ: Այս բոլոր կմախքներն էլ երկարագլուխ են:

Երկրորդ տեսակի գերեզմանները բաղկացած են վեց տափակ սալերից, որոնց մէջ պղզած դրուած է մի մի կմախք, մօտը սովորաբար մի պուլիկ: Այսպիսի մի գերեզման բացուեց նաև ջրի աջ ափին, հայկական հին գերեզմանատան ստորոտում:

Նորագոյզից անցայ Բիւսաճըղ գիւղը, ուր կատարեցի հետևեալ պեղումները.

1. Գիւղի արևմտա-հարաւային կողմը, դաշտի մէջ բացի 4


դամբան, որոնք միմեանց միանգամայն նման էին: Արտաքուստ ներկայացնում էին փոքրիկ թմբեր, շուրջանակի քարով պատած: 1—1½ մետր փորելուց յետոյ բացւում էին մի մի կարաս կանգ-



Նկ. 4 ՄԻ ԿԱՐԱՍԵԱՆ ԳԵՐԵԶՄԱՆ

նած դրութեամբ և քարէ տալերով ծածկուած: Կարասի մէջ լինում էր միայն մի կմախք պղպած ձևով, ուրիշ ոչինչ: Նկատելի էր, որ կմախքի երեսը դէպի հարաւ էր դարձուած, զանգն էլ երկարապուխ էր: Կմախքները սաստիկ փռած էին:

II. Գիւղի արևելեան կողմը, երկու բարձր լեռների գոգաւորութեան մէջ և լեռների լանջերին՝ կան բազմաթիւ դամբան-



ՆԿ. Յ ԵՐԳԿԱՐԱՄԵԱՆ ԳԵՐԵԶՄԱՆ

ներ, որոնցից շատերը գիւղացիներն արդէն բացել են: Եւ այստեղում բացանել տուի 14 դամբան: Կարևոր եմ համարում յիշել, որ այս դամբանների հանդէպ, առաջին լերան լանջին կայ մի հին ամրոց, որի կրկնակի պարիսպների մնացորդները ցիկլոպային շինութիւնների նմանութիւն են տալիս: Այստեղ կան նաեւ մի քանի քարայրեր, և արհեստական այրեր: Տեղ տեղ նկատելի են շինութեան հետքեր, ինչ չաջողուեց գտնել այստեղ մանհիւրների: Իմ պեղած դամբաններից առաջինը երեք մետր տրամագիծ ունէր և մի մետր միայն բարձրութիւն,

շուրջանակի ծածկուած մեծ մեծ քարերով: Գերեզմանի երկարութիւնն էր 90 սանտիմետր, լայնութիւնը 72 սանտիմետր, իսկ խորութիւնը 1,08 մետր, ծածկուած էր մի մեծ սալ քարով և ուղղուած հիւսիսից հարաւ: Գերեզմանի հիւսիսային կողմում կար մի երկարագլուխ կնոջ կմախք, պղզած դրութեամբ, երեսը դէպի

հարաւ ուղղած: Սրա աջ ձեռքից գտնուեց մի բրոնզէ ապարանջան, ինչպէս նաեւ միքիչ ուլունք: Քսան սանտիմետրաչափ եւ պեղելուց յետոյ, նոյն գերեզմանի հարաւային կողմում բացուեց մի, նոյնպէս երկարագլուխ, տղամարդու կմախք, պզտած դրութեամբ, երեսը զէպի հարաւ ուղղուած եւ կողքին մի պուլիկ դրուած:

Երկրորդ դամբանի տրամագիծն էր $4\frac{1}{2}$ մետր: Սա միւսների պէս հիւսիսից հարաւ չէր ուղղուած, այլ կըր էր, 2,16 մետր տրամագծով եւ միմիայն 72 սանտիմետր խորութեան:

Սրա մէջ կային վեց կմախքներ, որոնցից չորսի երեսները զէպի հարաւ էին դարձրած, իսկ երկուսը զէպի արեւելք: Առաջին չորսը տղամարդկանց էին, իսկ վերջին զոյգը՝ տղամարդու եւ կնոջ. վերջիններիս մօտից գտնուեց մի մատանի, մի բրոնզէ ապարանջան եւ մի երկաթէ նիզակ, ինչպէս նաեւ մի պուլիկ, որ դրուած էր սրանց առջև:

Երրորդ դամբանի տրամագիծն էր 3 մետր, իսկ բարձրութիւնը 72 սանտիմետր: Գերեզմանի երկարութիւնն էր $1\frac{1}{2}$ մետրը, լայնութիւնը 72 սանտիմետր եւ խորութիւնը՝ $1\frac{1}{2}$ մետր: Ուղղուած էր հիւսիսից հարաւ եւ ծածկուած երկու մեծ սալերով: Հարաւային կողմում պզտած դրութեամբ կային մի տղամարդու եւ մի կնոջ կմախքներ, երեսները զէպի հիւսիս դարձրած, առաջներում միայն մի պուլիկ դրուած: Զախակոցման, կնոջ, կմախքի վրայից գտնուեց մի բրոնզէ ապարանջան, մի մատանի եւ միքանի ուլունքներ:

Չորրորդ դամբանի տրամագիծն էր 5 մետր, բարձրութիւնը մի մետր: Գերեզմանի երկարութիւնն էր $1\frac{1}{2}$ մետր, լայնութիւնը մի մետր եւ խորութիւնը՝ $1\frac{1}{2}$ մետր: Ուղղուած էր հիւսիսից հարաւ եւ ծածկուած երկու սալով: Սրա մէջ եւ, հարաւային կողմում, կային մի տղամարդու եւ մի կնոջ պզտած, երկարագլուխ կմախքներ, որոնց առաջ դրուած էր մի պուլիկ, մէջը մի բրոնզէ ապարանջան եւ միքանի ուլունքներ:

Հինգերորդ դամբանի տրամագիծն էր 3 մետր 60 սանտիմետր, բարձրութիւնը 72 սանտիմետր: Գերեզմանը կըր էր, 90 սանտիմետր տրամագծով, խորութիւնը մի մետր: Ծածկուած էր մի մեծ սալով: Գերեզմանի մէջ տեղում պզտած դրութեամբ կար մի երկարագլուխ կնոջ կմախք, երեսը զէպի հարաւ դարձրած, առջևում մի պուլիկ:

Վեցերորդ դամբանի տրամագիծն էր $3\frac{1}{2}$ մետր, իսկ բարձրութիւնը 72 սանտիմետր: Գերեզմանի երկարութիւնն էր 1 մետր 80 սանտիմետր, լայնութիւնը 72 սանտիմետր եւ խորութիւնը

Նը 11½ մետր: Ուղղուած էր հիւսիսից հարաւ և ծածկուած երկու մեծ սալերով: Սրա մէջտեղում բացուեցին մի տղամարդու և մի կնոջ երկարագլուխ կմախքներ, պղզած և երեսները միմեանց դարձրած. արեւելեան կողմումն էլ երկու երեխաների կմախքներ, նոյնպէս պղզած ձևով: Առաջին զոյգի առջև գրուած էր մի պուլիկ, իսկ երեխաների առջև մի կաւէ ափսէ: Կնոջ կմախքի վրայից գտնուեց մի բրոնզէ ապարանջան, մի նոյնպիսի մատանի և մի քանի ուլունքներ:

Եօթներորդ դամբանի տրամագիծը 4½ մետր էր, բարձրութիւնը 72 սանտիմետր: Գերեզմանի երկարութիւնն էր 2 մետր 16 սանտիմետր, լայնութիւնը 1½ մետր, իսկ խորութիւնը 2 մետր: Ուղղուած էր հիւսիսից հարաւ և ծածկուած երեք մեծ սալերով: Գերեզմանի մէջ կար 9 մարդու կմախք, որոնք դասաւորուած էին այսպէս. հարաւային կողմում երեքը, իսկ միւս կողմից մերում երկական. բոլորն էլ պղզած էին: Հարաւային կողմի կմախքներից աջակողմեանը տղամարդու էր, մէջքին ունէր մի բրոնզէ զօտի, և մօտը՝ մի բրոնզէ նետ: Զախակողմեանը կնոջ էր, և կրծքին կային ուլունքներ, մատներին 3 մատանի: Սրա մօտի կմախքը տղայի էր: Սրանց բոլորի երեսներն ուղղուած էին դէպի հիւսիս, իսկ արեւելեան կողմը թաղուածների գլուխները յետև էին շրջուած: Միւս երկու զոյգերից իւրաքանչիւրն իրար էր նայում. և հիւսիսային կողմի զոյգի մէջտեղ գրուած էր մի մեծ դաւ, իսկ արեւմտեան զոյգի մէջտեղ մի թաս, կարծես առաջին զոյգը գինի էր ածել թասի մէջ և հրամցրել երկրորդ զոյգին:

Ութերորդ դամբանի տրամագիծն էր 3 մետր, բարձրութիւնը 70 սանտիմետր: Գերեզմանի երկարութիւնն էր 1½ մետր, լայնութիւնը 1 մետր և խորութիւնը 1 մետր 80 սանտիմետր: Ուղղուած էր հիւսիսից հարաւ և ծածկուած մի մեծ սալով: Գերեզմանի մէջտեղում պղզած էին մի տղամարդու և մի կնոջ երկարագլուխ կմախքներ, երեսները դէպի հարաւ դարձրած, ձախ կողքին մի փոքրիկ երեխայ, առաջները մի կաւէ քսասա: Աջակողմեան (տղամարդի) կմախքի մօտից դուրս եկան մի բրոնզէ դաշոյն, իսկ ձախակողմեանի մօտից երկու բրոնզէ ապարանջան: Մի նոյնպիսի ապարանջան էլ երեխայի ձեռքին էր:

Մնացած վեց դամբաններն էլ միանգամայն սրանց նման էին, կմախքները պղզած ձևով և մօտերը մի երկու պուլիկ: Մի երկու բրոնզէ մատանի և մի քանի ապարանջան հազիւ էին գտնուում սրանց միջից:

III. Այս Գոլերից փոքր ինչ արեւմուտք, մօտ 400 մետր

հեռու, Պառաւի վանքի ստորոտում, պեղել տուի հինգ գերեզման, որոնք միանգամայն նման էին վերոյիշեալ II խմբի գերեզմաններին: Սրանք ևս 3—4 մետր տրամագիծ ունէին և 1—1½ մետր բարձր էին գետնից: Գերեզմանների երկարութիւնը հասնում էր 1½—2 մետրի, լայնութիւնը 72 սանտիմետրից մինչև 1½ մետրի և խորութիւնը 1—1½ մետրի: Բոլորն էլ ուղղուած էին հիւսիսից հարաւ և ծածկուած 2—3 սալերով: Սրանց բոլորի մէջ էլ կմախքները 2—3 աւելի չէին լինում, բոլորն էլ պզզած դրութեամբ և երկարագլուխ: Միջանիսի միջից դուրս եկան մի կամ երկու պուլիկ և միջանի բրոնզէ մատանի և ապարանջան, միջանիսի մէջ էլ, բացի կմախքներից, ուրիշ ոչինչ չկար:

IV. Աւելի նորագոյն տիպի էին այստեղից մօտ 3 կիլոմետր հեռու, դէպի հիւսիս գտնուող Վերին Գոլեր և Նաւեր կոչուած տեղերի դամբանները, որոնցից պեղեցի տաան և հինգ հատ: Սրանք բոլորն էլ ուղղուած էին հիւսիսից հարաւ և ներփակում էին նոյն ուղղութեամբ պառկած միմիայն մի մի կմախք. միայն մինի միջից դուրս եկաւ մի պուլիկ, և միջանիսի միջից՝ մի քանի ուլունք: Առանձին ուշադրութեան արժանի են սրանցից երկուսը: Առաջին տրամագիծը 13 մետր էր, բարձրութիւնը 1½ մետր, Գերեզմանի երկարութիւնն էր 1,16 մետր, լայնութիւնը 1½ մետր և խորութիւնը 2 մետր: Ուղղուած էր հիւսիսից հարաւ և ծածկուած մի տափարակ սալով, որ 3,24 մետր երկարութիւն և 3 մետր լայնութիւն ունէր: Սրա մէջ պառկած էր մի երկարագլուխ տղամարդու կմախք՝ հիւսիսից հարաւ և առջևում դրուած էր մի պուլիկ:

Երկրորդ դամբանը 5 մետր տրամագիծ ունէր և գետնից միայն մի մետր բարձրութիւն: Գերեզմանի երկարութիւնն էր 2 մետր, լայնութիւնը 1½ մետր և խորութիւնը 2 մետր: Ուղղուած էր հիւսիսից հարաւ և ծածկուած մի մեծ սալով, որ 3 մետր երկարութիւն և 2 մետր լայնութիւն ունէր, 18 սանտիմետր էլ հաստութիւն: Սրա մէջ ևս միմիայն մի երկարագլուխ կնոջ կմախք կար, հիւսիսից հարաւ ուղղուած և կրծքի մօտ միջանի ուլունքներ: Բազմաթիւ դամբաններ կան նաև Քիւսանդից դէպի հարաւ, հազիւ հինգ կիլոմետր հեռաւորութեան վրայ ընկած Բաշքենտ գիւղում: Սակայն ենթադրելով, որ սրանք էլ այս տիպի կլինին, ես աւելորդ համարեցի պեղել:

Այստեղից յուլիսի 2-ին անցայ Երանոս, որ գտնուում է աւելի հարաւ, մօտաւորապէս 28 կիլոմետր հեռու, լճի ափից մօտ 5 կիլոմետր հեռաւորութեան վրայ:

Այստեղ առաջին օրը քսան մշակով սկսեցի պեղել երկու

դամբան, որ գտնուում էին գեղից դէպի հարաւ—արեւմուտք, մօտ երկուսուկէս կիլոմետր հեռու, մի սարահարթի վրայ, Այս երկու դամբանները միմեանց մօտ էին, հազիւ 11 մետր միմեանցից հեռու, սակայն հեղեղատը նրանց ըստանել էր մի նեղ և խորը փոսով: Երկուսն էլ միմեանց շատ նման էին և գրեթէ միաշափ: Երկուսն էլ կլոր էին, շուրջանակի մեծ մեծ քարեր զցած, իսկ մէջտեղում 3—4 հատ շատ մեծ քարեր ցցած: Տրամագիծն էր 22 մետր, իսկ բարձրութիւնը մօտ մի մետր: Ինչ թւում էր, որ շարունակ փշող քամին տարել է սրանց վրայի հողը: Որոշելով այս դամբանների կենտրոնները, մօտ 3 մետր խորութեան և 2 մետրից աւելի երկարութեան և նոյնքան լայնութեան փորեցինք: Հողը լիցք էր, և շատ հեշտութեամբ փորուում էր: Բացուեցան աւազին մեծութեան սալաքարեր, որոնց վերցրինք մեծ դժուարութիւններով, մինի մէջ էլ պատահեցանք մի աւազին, 3 1/2 մետրը երկարութեան և 2 մետր լայնութեան և 70 սանտիմետր հաստութեան քար, որ երկարութեամբ կանգնեցրած էր հիւսիսից հարաւ: Ենթադրելով թէ սա գերեզմանի պատը կարող է լինել, ես պեղել տուի ինչպէս արևելեան, այնպէս և արևմտեան կողմը, սակայն վերջի վերջոյ հասանք իսկական գետնին, առանց գտնելու ոչ գերեզմանի պատեր և ոչ կմախքներ, միայն նկատեցի, որ ներքին շերտում հողի գոյնը փոխուեց:

Այստեղից հազիւ 200 մետր հեռու դէպի արևելք, փոքր ինչ բարձր սարահարթի վրայ նկատելի են նոյն ձևի, միայն աւելի փոքր դամբաններ, սակայն ես նրանց ձեռք չտուի:

Հետևեալ օրը ես ուղևորուեցի դէպի լճի ափը և այստեղ գտայ մի ընդարձակ նեկրոպոլ, ուր պեղեցի միայն ութը դամբան: Սրանք բոլորն էլ միակերպ էին, կլոր թմբեր 1/2—1 մետր բարձրութեան և մօտ 3 մետր տրամագծով, շուրջը միջակ մեծութեան քարեր շարուած և զազաթը մանր քարերով ծածկուած: Մօտ մի մետր փորելուց յետոյ բացւում էին 1—3 սալեր, որոնց տակ գտնուում էր գերեզմանը, քառանկիւնի, մօտ 2 մետր երկարութեան և 1—1 1/2 մետր լայնութեան: Անտաշ քարերով չորս պատ են քաշուած, որոնց մէջ դրուած էին մի մի երկարագլուխ կմախքներ, հիւսիսից հարաւ ուղղուած, առաջներում մի մի կաւէ պուլիկներ, հողով լի:

Աւելորդ չեմ համարում կրկնել, որ ինչպէս այս, այնպէս և իմ պեղած բոլոր գերեզմանները հողով լի էին:

Աւելի ես մօտենալով լճին, նրանից մօտ 100 մետր հեռաւորութեան վրայ ես գտայ մի շարք ուրիշ դամբաններ, որոնք ձգւում էին միջանի շարքերով, իւրաքանչիւրում 3—4 հատ: Ես

այս շարքերից էլ պեղեցի 3 դամբան, որոնք նոյնպէս միմեանց միանգամայն նման դուրս եկան: Սրանք ևս կտր էին, գետնից մինչև մի մետր բարձր, տափարակ զազաթով, միայն մանր քարերով ծածկուած: շուրջանակի միջակ մեծութեան քարեր շարուած: Գազաթից 1—1½ մետր փորելուց յետոյ բացուած էին սալ քարեր, որոնց ներքև գտնուած էր գերեզմանը, դարձեալ հիւսիսից հարաւ ուղղուած և անտաշ քարերով ու հասարակ ցեխով պատեր քաշած: Իւրաքանչիւր գերեզմանի երկարութիւնն էր 2 մետրը, լայնութիւնը 1½ մետր, իսկ խորութիւնը 2—3 մետր: Սրանցից ամէն մինի մէջ գտնուեցան երկական տղամարդու և կնոջ երկարագլուխ կմախքներ, պզգած դրութեամբ: Գրեթէ բոլորի միջից էլ դուրս եկան 1—3 բրոնզէ ապարանջաններ, առանց մի որեւէ դարդարանքի և ուրիշ ոչինչ, և՛ ո՛չ մի պուլիկ:

Երանոսից Ազամխանի վրայով անցայ Վալի-Աղալու, ուր նոյնպէս բազմաթիւ դամբաններ գտայ Չոանի-քաւշան, Սանգուի դուրան, Բոռ-աղբրի գլուխ կոչուած տեղերում: Սակայն այստեղ ես պեղումներ չկատարեցի, այլ միայն բաւականացայ դիտելով այն 15 այրերը, որ գտնուած են գիւղի արեւմտեան կողմում, ուր սկսուած է մի ձորակ: Սրանք բոլորն էլ արհեստական են, միջանիսը մինչև 6 մետր երկարութեան, 5 մետր լայնութեան և 2 մետրից աւելի բարձրութեան: Դժուար է ասել, թէ՛ որ ժամանակներում ծառայել են դրանք որպէս բնակարան:

Վալի-Աղալուից անցայ Ծակ-քար կամ Դալիկ-տաշ և Գիօլ գիւղերի վրայով գնացի Ադիեման: Թէ՛ Գիօլում և թէ՛ մանաւանդ Ադիեմանում կան բազմաթիւ դամբաններ: Սրանցից մեծագոյնները լճի անմիջապէս ափին են գտնուած, իսկ աւելի փոքրերը փոքր ինչ հեռու, գիւղի մօտ: Նկատուած է՝ որ մեծ դամբանները մի քանի շարքերով ձգուած են լճի ափին, հարաւից հիւսիս, և որքան հեռանում են դէպի հիւսիս և արեւելք, այնքան աւելի մեծանում են: Այստեղ ես պեղեցի 12 դամբան, սկսելով փոքրերից:

Առաջին դամբանի տրամագիծն էր 3, իսկ բարձրութիւնը 1½ մետր: Գերեզմանի երկարութիւնն էր 1,02 մետր, լայնութիւնը 1½ մետր և խորութիւնը 90 սանտիմետր: Ուղղուած էր հիւսիսից հարաւ և ծածկուած 2 սալով: Սրա հարաւային և արեւելեան կողմերում կային մի մի տղամարդու և մի մի կնոջ երկարագլուխ կմախքներ, պզգած դրութեամբ: Իւրաքանչիւր զոյգի առաջ դրուած էր մի պուլիկ: Ձախ կողմի, կանանց, կմախքների վրայից էլ գտնուեցան երկական բրոնզէ ապարանջաններ:

Երկրորդ դամբանի տրամագիծն էր դարձեալ 3 մետր, բարձ-

բուլթիւնը $1\frac{1}{2}$ մետր: Գերեզմանի երկարութիւնն էր 2 մետր, լայնութիւնը 40 սանտիմետր և խոր. 1,10 մետր: Ուղղուած էր հիւսիսից հարաւ և ծածկուած 2 սալով: Սրա մէջ, հարաւային կողմում կային մի տղամարդու, մի կնոջ և մի երեխայի կմախք, պղզած դրութեամբ և երեսները դէպի հարաւ դարձուած: Երեսխայի կմախքը հարաւ-արեւմտեան անկիւնումն էր, և թէին մի փոքրիկ, բրոնզէ ապարանջան ունէր: Սրանց առջև դրուած էր մի պուլիկ: Գերեզմանի հիւսիսային կողմում ևս կային նոյնպէս պղզած երկու երկարագլուխ տղամարդկանց կմախքներ, երեսները նոյնպէս դէպի հարաւ դարձուած:

Երրորդ դամբանի տրամագիծն էր 2 մետր, բարձրութիւնը 72 սանտիմետր: Գերեզմանի երկարութիւնն էր $1\frac{1}{2}$ մետր, լայնութիւնը 1 մետր և խորութիւնը $1\frac{1}{2}$ մետր: Ուղղուած էր նոյնպէս հիւսիսից հարաւ և ծածկուած 2 սալով: Սրա մէջ ևս, հարաւային կողմում պղզած դրութեամբ կային մի տղամարդու և մի կնոջ կմախք, երեսները դէպի հարաւ դարձուած: Տղամարդը գտնուում էր կնոջ ձախ կողմը, գերեզմանի հարաւ-արեւելեան կողմում, իսկ կինը հարաւ-արեւմտեան: Տղամարդի մօտ գտնուեց մի բրոնզէ դաշոյն, իսկ կնոջ մօտ մի ապարանջան: Հիւսիսային կողմումն էլ կար դարձեալ պղզած ձեռով մի տղամարդու կմախք, երեսը հարաւ:

Չորրորդ դամբանի տրամագիծն էր $6\frac{1}{2}$ մետր և բարձրութիւնը 2 մետր: Գազաթը հարթ էր և շուրջանակի քարեր չէին նկատուում: Գերեզմանը, որ բացուեց 2 մետր փորելուց յետոյ, 2 մետր երկարութիւն, մի մետր լայնութիւն և նոյնքան խորութիւն ունէր, դարձեալ անտաշ քարէ քառանկիւնի պատերով, հիւսիսից հարաւ ուղղուած և 2 մեծ սալաքարերով ծածկուած: Հարաւային, ինչպէս և հիւսիսային, կողմերում կային երկական պղզած մարդկանց կմախքներ, մինը տղամարդու և միւրը՝ կնոջ: Բոլորի երեսներն էլ դէպի հարաւ էին դարձրած: Հարաւային զոյգի ձախակողմեանի, (տղամարդու) մէջքին կար մի լայն, բրոնզէ գօտի, որի վրայ նկատելի են նուրբ քանդակներ, մօտն էլ դրուած էր մի պուլիկ:

Հիւսիսային կողմի կմախքներից նոյնպէս ձախակողմեանի, տղամարդու, մօտ գտնուեց մի երկաթէ դաշոյն, իսկ աջակողմեանի մօտ 3 բրոնզէ մատանի և ուլունքներ: Իւրաքանչիւր կմախքի առաջ էլ դրուած էր մի մի պուլիկ:

Հինգերորդ դամբանի տրամագիծն էր $6\frac{1}{2}$ մետր, բարձրութիւնը 2 մետր. գազաթը հարթ էր, մէջտեղում կային միքանի մեծ քարեր: Գերեզմանի երկարութիւնն էր $2\frac{1}{2}$ մետր, լայնու-

թիւնը $1\frac{1}{2}$ մետր և խորութիւնը 1 մետր, հետևապէս և դամբանի գագաթից մինչև գերեզմանի յատակը՝ 3 մետր էր: Գերեզմանը ուղղուած էր հիւսիսից հարաւ և ծածկուած 3 մեծ սալաքարերով: Սրա մէջ պղպած դրութեամբ կային քսան երկարագլուխ մարդկանց կմախքներ, որոնցից միայն մինի, հարաւայինի, վերայից դուրս եկաւ մի բրոնզէ դօտի, մի շատ փոքրիկ բրոնզէ դաշոյն և երեք նոյնպիսի մատանիներ: Առջևում երկու պուլիկ: Գերեզմանի յատակում կար մի ահագին սալ քար: Սկզբում ինձ թուաց, թէ դա կարող է մի ուրիշ գերեզմանի կափարիչ լինել, ուստի և գերեզմանի մի կողմը առ ի շեղ կտրել տուի և այդ սալի տակ փորել տուի: Երևաց, որ քարը քցովի չէր:

Վեցերորդ դամբանի տրամագիծն էր 6 մետր և բարձրութիւնը մի մետր: Այս հողաթմբի մէջ կային 2 գերեզման, մինը միւսի կողքին: Առաջին գերեզմանի երկարութիւնն էր $1\frac{1}{2}$ մետր, լայնութիւնը 72 սանտիմետր և խորութիւնը 1 մետր: Ուղղուած էր ոչ թէ սովորական հիւսիսից հարաւ, այլ արեւելքից արեւմուտք և ծածկուած 2 մեծ սալաքարերով: Սրա հարաւային կողմում կային երեք պղպած մարդկանց կմախքներ, որոնցից մինը տղամարդու էր, մինը կնոջ, որի մատին կար 2 բրոնզէ մատանի, և մինը երեխայի. բոլորի երեսներն էլ դէպի հարաւ էին ուղղուած: Տղամարդու առաջ մի պուլիկ էր դրուած, իսկ երեխայի մօտ մի շատ փոքրիկ կաւէ ճրագ: Նոյն դամբանի երկրորդ գերեզմանի երկարութիւնն էր 2 մետր, լայնութիւնը $1\frac{1}{2}$ մետր և խորութիւնը մի մետր: Սա ուղղուած էր հիւսիսից հարաւ և ծածկուած 3 սալաքարերով: Սրա մէջ շարքով շարուած էին ութ պղպած մարդկանց կմախքներ, երեսները դէպի հարաւ ուղղուած. մէջտեղում կար մի պուլիկ:

Եօթերորդ դամբանը շատ աւելի մեծ էր և ունէր 10 մետր տրամագիծ, միայն բարձրութիւնը $1\frac{1}{2}$ մետրից աւելի չէր: Գագաթը հարթ էր և շուրջանակի քարերով պատած: Գերեզմանի երկարութիւնն էր 2 մետր 16 սանտիմետր, լայնութիւնը $1\frac{1}{4}$ մետր և խորութիւնը՝ 1 մետր: Ուղղուած էր հիւսիսից հարաւ և ծածկուած մի մեծ սալաքարով, որ $3\frac{1}{2}$ մետր երկարութիւն, 3 մետր լայնութիւն և 70 սանտիմետր հաստութիւն ունէր: Սրա հարաւային կողմում պղպած դրութեամբ կային երեք երկարագլուխ կմախքներ, որոնցից միջինի մէջքի վրայից դուրս եկաւ մի բրոնզէ դաշոյն, իսկ կողքերի երկու կմախքների մինի թևից մի բրոնզէ ապարանջան, իսկ միւսի մատից 3 բրոնզէ մատանի: Կմախքների քննութիւնից երևաց, որ միջինը տղամարդ, իսկ կողքի երկուսը կանայք են եղել: Սրանց բոլորի երեսներն էլ դէպի

հարաւ էր ուղղուած: Հիւսիսային պատի մօտ ևս կար մի այլ մարդու կմախք, պզգած դրութեամբ և երեսը դէպի հարաւ դարձրած:

Ութերորդ դամբանն աւելի ևս մեծ էր, 11 մետր տրամագծով, և $2\frac{1}{2}$ մետր բարձրութեան. զազաթը բոլորովին հարթ: Գերեզմանի երկարութիւնն էր 2,20 մետր, լայնութիւնը 60 սանտիմետր և խորութիւնը 65 սանտիմետր, ուղղուած էր հիւսիսից հարաւ և փոխանակ սալ քարերի, փայտով էր ծածկուած, որ բոլորովին փակ էր: Գերեզմանի մէջ, հիւսիսից հարաւ ուղղութեամբ և երեսը դէպի հարաւ ուղղուած պառկած էր մի մարդու կմախք: Ո՛չ մի իր կամ աման չկար մօտը:

Իններորդ դամբանը 9 մետր տրամագիծ ունէր, և 2 մետր բարձրութիւն: Գազաթը հարթ էր, միայն մէջ տեղում նկատելի էր քարերի մի շրջան: Գերեզմանը բաւական կարճ էր, միայն $1\frac{1}{2}$ մետր, լայնութիւնը մի մետր և խորութիւնը մի մետր: Ուղղուած էր հիւսիսից հարաւ և ծածկուած երկու սալ քարերով: Սրա մէջ, հարաւային կողմում, կար մի պզգած տղամարդու կմախք, երեսը դէպի հարաւ դարձրած, կողքին մի շուն և մի պուլիկ: Կմախքի մէջքին կար մի բրոնզէ դաշոյն և բաղանձման 2 պանդուք, թևին մի բրոնզէ ապարանջան և ուլունքներ:

Միւս երեք դամբաններն առանձին ուշադրութեան արժանի չէին:

Յաւելով որ միջոցներս չեն ներում աւելի մեծ դամբանները պեղելու, ես անցայ դէպի վերին Աղիեմաման, ուր նոյնպէս կան բաւականաչափ դամբաններ, մանաւանդ Իշխանաց ձորում: Սա հայն սրանք համեմատաբար փոքր են: Ի նկատի առնելով այն, որ այս գիւղը միայն 3 կիլոմետր հեռու է համանուն գիւղից, ուր պեղումներ կատարեցի, ես բաւականացայ այստեղ միայն մի դամբան պեղելով: Սա միանգամայն նման էր վերոյիշեալներին: Դամբանի տրամագիծը հասնում էր 3 մետրի, իսկ բարձրութիւնը մինչև մի մետրի: Գերեզմանի երկարութիւնն էր 2 մետր, լայնութիւնը $1\frac{1}{2}$ և խորութիւնը 1 մետր: Ուղղուած էր հիւսիսից հարաւ և ծածկուած երեք սալ քարերով: Գերեզմանի հարաւային կողմում պզգած դրութեամբ կային մի տղամարդու, մի կնոջ և մի երեխայի կմախքներ, պզգած դրութեամբ: Երեխայի և կնոջ թևերին կային բրոնզէ ապարանջաններ: Առաջներում դրուած էր 2 պուլիկ: Հիւսիսային կողմում էլ կար մի տղամարդու կմախք, նոյնպէս պզգած դրութեամբ:

Այստեղից անցայ Ներքին Դարանլուղ գիւղը, որ հեռու է մօտ տասն կիլոմետր և տարածւում է լճի ափին: Այստեղ ես

դամբաններ չգտայ, ոչ թէ այն պատճառով, որ այս հարթ, գեղեցիկ ափը չէ գրաւել նախապատմական մարդկանց, այլ որովհետեւ այժմեան բնակիչներն իրենց բնակարանների և ծառատանների համար ամէն հողակոյտ հարթել, հաւասարեցրել են գետինը: Ծերունիները պատմում էին, որ իրենց երիտասարդութեան ժամանակ այդպիսի բաներ շատ էին գտնում, սակայն մի էր ուշադրութիւն դարձնում: Ապա անցայ Ալիդոբէ և սրանից մօտ 2 կիլոմետր հեռու գտնուող Ջուլիսաչ գիւղերը, որոնց շուրջը կան բաւականաչափ դամբաններ: Սրանցից պեղեցի միայն երեքը, որոնց միջից դուրս եկած իրերը միանգամայն ապացուցին ինձ, որ սրանք, համեմատաբար, աւելի յետի ժամանակի էին, որովհետեւ գտնուում էին երկաթեայ իրեր և բացի դրանից թէ բրոնզէ իրերը և թէ կաւէ ամանները աւելի նուրբ և գեղեցիկ էին: Այս դամբաններն էլ գետնից 1—1½ մետր բարձրութիւն ունին, 3—4 մետր տրամագիծ: Իմ բացած 3 դամբանների գերեզմաններն ուղղուած էին հիւսիսից հարաւ, և ծածկուած երկու կամ երեք քարով: Երեքի մէջն էլ մի մի կմախք կար, հիւսիսից հարաւ ուղղուած, բոլորն էլ երկարագլուխ: Սրանցից անաշխի մօտ գտնուեց մի երկաթէ թուր, որ բոլորովին փտել էր, մնացել էր միայն բրոնզէ երախակալը, որ չափազանց գեղեցիկ է: Մօտն էլ կային երկու պուլիկներ: Երկրորդի մօտից դուրս եկաւ մի երկաթէ նիզակ, 2 բրոնզէ մատանի և 3 պուլիկ, իսկ երրորդի մօտից միքանի կոտրատուած պուլիկներ և մի երկաթէ թուր:

Շարունակելով ճանապարհս դէպի Քեօլադուան, ես դամբաններ գտայ սեպածե արձանազրութիւնից փոքր ինչ հարաւ, մի հինաւուրց ամրոցի ստորոտում, սակայն ինձ չաջողուեց այստեղ պեղումներ կատարել, որովհետեւ հունձն սկսուած լինելու պատճառով մշակներ չգտնուեցին: Այս հանգամանքը ստիպեց ինձ աւելի արագութեամբ անցնելու դէպի Ջաղալու, դիտելով այն հսկայական դամբանները, որ ձգւում են լճի ափին, մասնաւոր Նարփուզլու թրքաբնակ գիւղի մօտ: Սրանցից երեքը բարձրանում են անմիջապէս ճանապարհի ձախ կողմին, լճից հազիւ 20 մետր հեռու: Սրանք կըլինեն մօտ 7—9 մետր բարձրութեան, նոյնքան էլ տրամագիծով, միայն սրանց զաղաթները տափարակ չեն, այլ սուր. մինի վրայ մեծ մեծ քարեր ցցած: Նոյն իսկ գիւղացիները հասկացել են, որ սրանք բնական բլուրներ չեն, և փորձել են մինը քանդել, սակայն մինչև գերեզմանը չեն հասել:

Ջաղալու գիւղի արեւելահիւսիսային մասում, լճի անմիջապէս ափին, ձգւում են մի շարք փոքրիկ դամբաններ, սուր գազաթներով, մօտ 2 մետր բարձրութեան: Գիւղացիները պատմում

էին, որ սրանցից միքանիսը իրենք բացել են: Մինչև գետնի մակերևոյթը քանդելուց յետոյ բացուել են վեց տափարակ սալերից բաղկացած գերեզման, հիւսիսից հարաւ ուղղուած, որի մէջ նոյն ուղղութեամբ, գլուխը հիւսիսային կողմում, պառկած էր լինում մի կմախք, երեսը դէպի հարաւ դարձրած: Սրա երեսի վրայ գրուած էր լինում ապակեայ մի կամ երկու սրուակ: Այսպիսի սրուակներէց ինձ տուին երկուսը: Սրանք առաստուկի սրուակներ էին:

Շրջելով գիւղի շրջակայքը, ես գտայ մի փոքրիկ ստորերկրեայ անցք, որից գլորշի էր բարձրանում: Ինձ ուղեկցող քահանան և գիւղացիները վկայեցին, որ ձմեռը այդ անցքի վրայի ձիւնն անմիջապէս հալում է: Ես քննեցի այդ անցքի շուրջը և նկատեցի հիմնապատեր, որից ենթադրեցի, որ դա հաւանականօրէն հրաբղխային բերան է, որի վրայ մեհեան է կառուցուած եղել: Մի այսպիսի հրաբղխային բերան էլ ես նկատել էի Նորագուշ գիւղի մօտ, Շորգեօլ կոչուած տեղում, որի շուրջը նոյնպէս կան շինութեան հետքեր:

Ջաղալուից ես անցայ Բասար-գեշար, Մազրա, Զոդ, սակայն այս ընդարձակ տարածութեան վրայ ես նկատեցի և ճշ մի դամբան: Ինձ թւում է, թէ այս, այսինքն լճի արեւելեան ափում, բրոնզի դարի մարդը բնակութիւն չէ հաստատել, երկիւղ կրելով այն սառնաշունչ քամիներից և 6—7 ամիս տեղ դառնաշունչ ձմեռից, որ տիրում է այստեղ: Նոյն իսկ հայոց բնակութեան ժամանակ այս գաւառակը կոչուել է Սոդք, այժմեան աղաւաղութեամբ Զոդ, որ խիստ է նշանակում:

Առ այժմ բաւականաւորով այս չափով, օգոստոսի 10-ին ես վերադարձայ Նոր-Բայազէտ:

